

DE BOPI GET VERKAAF

Autor vun dem deitsche Steck
"Der verkaufte Grossvater"
- Franz Streicher.

An t'letzeburgescht iwerdroen fir
t'Chorale St. Joseph vun Deifferdeng Fuesbann - Dezember 1964
Komplett revidéiert, an der neier Schreiwweis ugepasst am
Summer 2009

7 PERSOUNEN

Hannes Knubbelbauer (Bauer zu Déiferdang)
Fritz sei Bouw
Ketty seng Mood
Péiter Schlaubauer (Bauer zu Knapphouschend)
Gréit seng Fraa
Eivchen seng Duechter
Gust Kniecht beim Schlaubauer

Uert vun der Handlung

De 1. Akt spillt beim Knubbelbauer, dën 2. an dën 3. Akt beim Schlaubauer.

1. Akt

Eng zimlech knapp ageriichte Bauere Stuff. En Dësch. Eng Bänk. Eng Krëibänk mat stengen Dëppen. (Wa méiglech eng Standauer).

1. Optrëtt

Hannes an Ketty

Hannes *(geet mat den Hänn um Reck durch d'Zëmmer spazéieren).*

Ketty *(steet op der lenker Säit an der Dir an bleiwt onbeweglech stoen).*

Hannes *(bleiwt virun him stoen) Firwaats du mir fortlaafe wëlls, weess ech nach ëmmer nët.*

Ketty Du solls nët durno froe, hun ech dir schon emol gesot.

Hannes Zwee Joer bass du elo schon bei mir um Haff. Mir sin ëmmer gudd matenaner auskom, an op eemol wëlls du kënnegen.

Ketty Jo wëll ech, an maachen ech och.

Hannes An ech darf nët emol wëssen aus waat firenger Ursaach.

Ketty Neen.

Hannes Kriss de iren nët genug ze iessen ?

Ketty O Mamm, wann daat alles wär. Gefällt der meng Lin nët.

Hannes Hues de zevill Aarbecht ?

Ketty Da wär ech schon laang gaangen.

Hannes Ass deng Peitut ze dënn ?

Ketty Dei ass iwerall ze moer !

Hannes En Donnerwieder nët nach, worunner leit et dann ?

Ketty Ech soen et nëtt, wells de zevill rose gengs gin.

Hannes Daat sin jo Dommheeten. Eraus domadden. Soo waat der nët passt. Schwetz wéi t'Maul dir gewuess ass. Vleicht kann ech alles erem an d'Rei brengen. Et passt sech nëtt t'Knëppelen bei t'Tromm ze geheien an fort ze lafen wéi t'Fierkele fum Trach.

Ketty Ech gin och nët gär, awer ech muss goen.

Hannes Waat heescht hei mussen ?

Ketty An ech wëll haut nach goen. Ech haalen et einfach nët méi aus.

Hannes Ween deet dir dann eppes zu Leds. Ech vleicht ?

Ketty Neen, du nët.

Hannes De Fritz vleicht ?

Ketty Och deen nët.

Hannes Oder vleicht esouguer de Bopi ?

Ketty *(no enger Paus gremmeg)* Dee Lidderjaan, dee Galgenstreck.

Hannes Aha, lo ass et eraus. De Bopi leit dir also schwéier um Mo.

Ketty Ech wollt dir et nët soen Bauer, wells du ëmmer esou e sauert Gesicht mechs, wann een sech iwer de Grousspapp beschwéiert. Awer ech vergiesse nie, wéi deen Neichnotz an deenen zwee Joer meng Gall gequetscht an mech schikanéiert huet.

Hannes An du hues dech nëtt revanchéiert?

Ketty Dach. Op e grobe Klotz gehéiert e grobe Keil. Wurscht géint Wurscht. Oder mengs du ech hätt mir alles sollen sou mir neischt dir neischt bidde lossen.

Hannes Aal Leit sin munchmol wie Kanner, da muss een schon emol en A zoudrecken kennen.

Ketty Zwee Joer laang drecken ech béid A zou. Zefill ass zefill. Elo gin ech.

Hannes Waat huet dann eise Bopi namel ugericht?

Ketty Eng futtis Maus hat e mir gëschter an t'Bett geluegt.

Hannes (*laacht*) Eng futtis ? Do geseis de jo namel wie domm deen aale Mann ass. Wann e gescheit wir, hätt hien dir eng lieweg dragesat.

Ketty Du solls Recht hun. Du hälls jo ëmmer zu him. Mir ass daat elo alles egal. Ech gin.

Hannes Schwetz dach keen Onsënn. Wéinst enger doudeger Maus wëlls du dach nët aus dem Dingscht laafen.

Ketty Nët wéinst der Maus eleng. Deen aalen Neischnotz huet mech nie a Rou geloss. Deen éischen Dag wéi ech heihinner komm sinn huet hien mir als gudde Moien meng Sondesschung un den Bueden ugeneelt, huet mir Juckpolver an t'Bett gestreet, an ech weess nët waat nach alles. Eng dozen Bouwen maachen an engem Joer nët esou vill zum Onwéi wéi den aalen Tirlitti an engem Daag.

Hannes (*kratzt sech hanner dem O'er*) Jo, jo munchmol dreift en et e beschen ze vill uerg. Meng awer nët dass hien et nëmnen op dech ofgesinn hätt. Mech an de Fritz léissten och nët aus. Oder mengs du ech hätt mir gëschter selwer de Brennsspiritus op t'Zalot gemaach.

Ketty Nët emol bei der Arbecht kann hien een mat Rou losse. Ëmmer ass en hanne engem hir, wëll alles besser wessen an alles geet him ze lues. Dee Schued deen hien schon ugericht huet ass nët ze beschreiwen. Wann ech an denger Platz wär, dann hätt ech hien schon laang an en Altersheim oder op t'Rum gestach .
Wanns du nach laang nokucks, dann lands du nach virun him do. So ech hätt dir daat gesot.

Hannes Nuja, esou ganz Onrecht hues de nët.

Ketty T'Wasser steet dir souwiesou schon bis zum Hals an geschwënn kanns du un de Fangeren lutschen. Schaaf dir den Alen vun der Krëpp.

Hannes Daat ass einfach gesot. Wéi ech meng Fra, Gott hief se séileg, bestued hun, do hun ech hiere Grousspapp mat bei kritt. Elo kann ech hien dach nët einfach op t'Stross setzen.

Ketty Daat kanns du maachen wéiss du wélls. Vun mir aus kanns du hien arume lossen. Also, wéi ass et? Kann ech haut goen ?

Hannes Du bass awer allerhand presséiert. Muss daat dann unbedingt haut schon sin?

Ketty Je éischer, je besser. Ech briechen dee Leitsgeheier nach um Knéi an der Mëtt duerch, wann e mir nach eng Kéier iwer de Wee leeft.

Hannes Em Goddesbiddeswëllen, nëmmen daat nët. Dann hätt ech jo zwéin Bopien. A Gottesnamen, géi nëmmen, ech wëll dech nët zreckhalen. Vleicht iwerlees du dir et nach eng Kéier.

Ketty Do gött et neischt méi ze iwerleeen. An enger halwer Stonn soen ech dir Äddi.

Hannes Hues du dann schon eng nei Platz?

Ketty q Wärt ech schon fannen. Dichteg Hänn gin iwerall gesicht. Schreiws mir awer nach een schéint Zeegness.

Hannes Daat versteet sech fum selwen. Daat hues du reedlech verdengt.

Ketty Da paacken ech elo meng Valis.

Hannes Wanns du de Bopi mat apaake gengs, ech hätt neischt dergéint.

Ketty Ech geng t'Valis mat deem agepaaktenen Bopi direkt an t'Hell verschecke lossen.

2. OPTRËTT

Déi Viireg an de Fritz

Fritz (*kënnt am Schaffkostüm eran a knallt sein Hut op de Buedem*).

Hannes Krenonzeng am Schaaf, elo hun ech es saat. Nujee, Nujee. Waat huet den Hutt diir dann gedoen? (hiewt den Hutt op, klappt en of, an hält en an der Hand).

Fritz Mat dem Grousspapp kann ech nët zesumme schaffen. Mengerwegen kann en am Haus bleiwen an Eeër leeën. Ech maachen t'Gromperen selwer aus.

Hannes Wéi – hëllt de Bopi Gromperen eraus?
Fritz Haas du zu him gesoot hie soll mir nookommen an mir hëllefén?

Hannes Ech? Neen.
Fritz *(rosen)* Waat wëllt hien dann. Kennt hien mir jo nët mam Spuet nogelaaf an seet zu mir: Fritz ech hëllefén dir. Da geet et méi séier. Speizt an t'Hänn, erwëscht de Spuet an stecht t'Gromperen kéipweis an der Mëtt duerch.

Hannes *(klakt den Hutt op de Bueden)* Elo geet et mir awer och esou lues duer.
Fritz *(hiewt den Hutt op a klappt en of)* Mir geet et scho laang duer.

Ketty A mir am allerlängsten. Zum Glëck sin ech hei nët méi festgeneelt. Wann ech mech schon iwer ee Mannsmënsch irgere muss, da soll et och wéinstens iwert e flotten jonke Kërel sin. *(of)*

Fritz *(Kuckt onsecher op den Hannes)*
Hannes t'Ketty huet gekënnécht.
Fritz Gekënnécht, a virwaat dann daat?
Ketty Wéint dem Bopi.
Fritz *(Jummt den Hutt op de Buedem)* Do geseis de. Elo hu mer ët. Elo leeft eis déi eenzeg déi et méi wéi 14 Joer bei dem Galgestreck ausgehaalen huet och nach derdurech.

Hannes *(hiewt den Hutt op a klappt en of)* O Mamm. Waat ass daat e Kreiz mat dem Grouspapp.
Fritz Daats du dir selwer agebrockt hues.
Hannes *(geheit den Hut op de Buedem)* Waat faalt dir dann elo op eemol allerguerten iwer mech hier. Kann ech vleicht derfir daat eise Grouspapp op der Welt ass?

Fritz *(hiewt den Hutt rem op a klappt en of)* Neen, duerfir kanns duu nët. Dass en awer hei um Haff ass, t'Leit durchenaner brengt, kregelt, alles ruinéiert a schikanéiert, dorunner bass duu schold. Ech geng neischt soen wann hien an senger Fautell geng setze bleiwen an seng Peif fëmmen. Awer neen, iwerall mescht en sech dran an leet sein Pëfferkär bei. Wou e steet a geet, iwerall danzt en engem firun de Féiss erëm. Waat en upëkt mecht e kapott, wann en eng am Schnaa huet, da stiicht en së. *(Geheit den Hutt*

op de Bueden). Wéilaang soll hien eis nach op der Nues erëm danzen?

Hannes *(hiewt den Hutt op a klappt en of)* Waat werfs du dann den Hut ëmmer erëm op de Buedem, mengs du fleicht hien géif dovunner ëmmer méi nei gin?

Fritz Et ass dem Bopi sein.

Hannes A sou *(geheit den Hut a weidem Bou an den Eck)*

Fritz Ech haat him den Hutt ewech geholl well ech geduecht hien geng mir dann nolaafen an t'Gromperen a Rou lossen. Quetschen och. Deen mecht virun Gromperepüree mat sengem Spuet.

Hannes De Leisdeiwel. Et mist een en un seng Fautell feststrécken.

Fritz Daat dingt neischt, deen aalen muss aus dem Haus.

Hannes Et wir schon daat bescht. Ech brengen et awer nët iwer t'Herz.

Fritz Dir rutscht t'Herz an t'Boxebeen, du Färtert, wanns de eemol ganz enegesch durchgreife misst. Wann ech Här am Haus wär, da wier scho laang Remedur um Haff.

Hannes Brauchs dech jo nëmmen ze bestueden. Da vermaachen ech dir den Haff an da kanns du mat dem Bopi maachen waats de wëlls. Da gehéiert en dir.

Fritz Schon eleng duerfir geng et sech lounen, fir no engem Meedchen ze kucken.

Hannes Brauchs nët méi ze kucken, ech hun dir scho laang eent erausgesicht.

Fritz Daat wëll ech nët.

Hannes Tuutebatti, schwëtz dach nët wanns de daat Meedchen mol nach guer nët kenns.

Fritz Ech wëll keent waat ech nët vu baussen a och vun bannen kënnen.

Hannes Ech soen dir, daat Meedchen gefällt dir bestëmmt – mir gefällt et nämlech och. Ech hun et zwar nach nie gesin, nëmmen de Schlaubauer gött him a schéine Batz Moneeten mat. Esou huet hie mir gesoot, A mëi ëppes schéines kann du bei engem Meedchen nët kréien wéi en gudden decke Portmonni.

Fritz Deen hëtt den Haff néideg. Ech brauch aawer niewent dem Haff och eng Frau un deer er meng Freed hun.

Hannes Waats du net alles verlaangs. Wann sie gudd mat € vollgestoppt ass, da kënnt et nët méi op t'Fisemine un. Am Daag bass de nët doheem an an der Nuecht da sin all Kaaze gro.

Fritz Nee Papp, do lossen ech mer awer nët draschwetzen. Géint Bestueden hun ech neischt. Mee meng Fraa sicher sichen ech mer awer selwer.

Hannes Du wärts dach nët verlaangen dat ech mei Wuert brieche, daat ech dem Schlaubauer gin hun. Ech haat him versprach dats du him sein Eivchen hëlls. Daat ass eng fest ofgemaache Saach.

Fritz Tëschen dem Schlaubauer an dir. Awer nët tëschen dem Eivchen, daat ech nët kënnen, an mir. Waat ass daat iwerhapt eng Frëndschaft tëschen dir an dem Schlaubauer? Deen Num hun ech nach nie héieren. Wien ass daat dann eigentlech?

Hannes Mir hun eis schon esou laang nët méi gesin, well hien siewen Stonnen weit a Boxaasch bei Knapphouschend wunnt. Gudd Frënn sin ech eigentlech nach nie mat him gewiescht, well hien ë Keckjhang an en Halsofschneider ass, deen fir fënnef € der Deiwel aus der Hell hëllt. Zoufällig hu mir eis elo kurz um Pärdsmaart getraff an do huet hien grad gemaach wéi wann mir schon éiweg déi deckste Frënn gewiescht wieren. „Hannes huet en zu mir gesoot – wann ech dech haut nët getraff hätt da wir ech maar bei dech kom. Du hues e Bouw, an ech hun e Meedchen. Aus deenen zwee muss e Puer gin.

Fritz *(laacht)* Ma deen ass gudd gerooden.

Hannes Fir t'éischt war ech ganz verblüfft. Nie huet en ëppes fun sech heiere geloss, an elo op eemol wëllt hien Famill mat mir gin. Dobei huet en dech nach nie gesin a weess nëmme daats du ee fréie Murgen e Haff voller Schold vun mir irfs.

Fritz Wanns de mech freets, Papp, un deer Saach do ass ëppes faul.

Hannes Hun ech mir och fir t'éischt geduecht, awer beim Dikrecher huet hien mir verzielt daat seng Fraa hiert Eivchen gären ënner der Hauf hätt. Well awer do eng ganz Hatt voll Borschten a Fro kom sin, huet sie hir Nim allerguerten eenzel op en Ziedel geschriwen. Dono huet all déi Ziedelen an en Hutt gedoen an hiert Eivchen hätt do selwer en Ziedel missen aus dem Hutt zéien. Dee gezurrenen wär dee richtegen. Een Zeechen vum Himmel hätt seng Fra gesot, an duerfir mengen ech daat déi Saach einwandfrei wier.

Fritz Op esou verreckten Idiën kënnen och alt nëmmen verréckte Faleit kommen.

Hannes Et wäeren am Ufank nëmmen 13 Ziedele gewiescht. Well daat awer eng OnGlëckzuel ass hun se nach gesicht an dobei ass dem Schlaubauer dein Num agefall, an esou bass du och an den Hut kom. A nu root emol wien hat gezun huet.

Fritz *(drechen)* Mech.

Hannes Hoerschaarf geroden. Du bass intelligent an duerfir bass du och den Auserwielten.

Fritz Waat eng Eier. Mee so emol, du hues awer och schéin ugebass un dee Wuurm deen de Schlaubauer dir firun t'Nues gehangen huet.

Hannes Mengs du hien hätt mech belunn? Duerfir hätt hien jo guer keng Ursaach. Hien weess daat neischt méi bei eis ze redetten ass.

Fritz An ech soen der....an der Saach do ass ëppes faul. E Kneckjang geheit engem, deem den Dadder scho geet dach nëtt e Geldsaak firun t'Féiss.

Hannes *(am Eifer)* Waat soll dann un deer Saach faul sin? *(verzweifelt)* Krenonzengamschaaf, do hält een sengem Bouw een Dëppen mat Glëck ënnert t'Nues an deen streckt se nët dran.

Fritz Stiech du se roueg dran, wann hien dir t'Aan verbonnen huet. Et kann graad esou gudd e gekachtenen Kullaangshues, wéi eng gebroden Dauf dra sin.

Hannes Neen, neen mei Jong. Du hues Tomatescheiwen op den Aan. Et ass schon eng gebroden Dauw am Dëppen, eng allerleifst knackeg Deiwchen, fir

esou richtig dran ze beissen.

Fritz Hues du dee Kueb da gesin?

Hannes Neen. Et ass awer kee Kueb esou wéi den Schlaubauer mir et fiirgemoolt huet (*moolt eng weiblech Figur an t'Loft*).

Fritz Ëmmer dee Schlaubauer. Firwaat scheckt hien sein Eivchen dann nët heihinner, wann et esou schéin soll sin?

Hannes Zanter weini gin t'Meedercher dann selwer op t'Männerfänk?

Fritz A du mengs ech soll mech selwer op d'Socke maachen an dorobber fueren fir ze gesin? Da kanns de awer nach laang waarden mat denger Daiwchen.

Hannes (*béis*) Gudd – grad esou laang kanns du da waarden bis dass ech dir den Haff iwerschreiwen a wann ech esou aal gin wéi Methusalem. (*Hanner der Szen splittert Glas a fällt a Schirbelen op de Buedem*) Em Gottesbiddeswëllen, wien schléit dann elo schon erëm eng Fënster futti?

3.Optrëtt

Déi virecht an den Bopi

Bopi (*mam Spuet waagerecht iwer t'Schëller fun lenks eran*) Ech – den Fenstermecher huet schon laang neischt méi verdingt.

Hannes Du hees alles a Stecker a bass anscheinend nëmmen op der Welt fir alles kurz an kleng ze schloen.

Bopi (*ëmmer roueg*) Wéisou? Waat hun ech da soss schon ugericht?

Fritz (*ironesch*) Guer neischt. Du bass een Engel am Haus.

Bopi Huet dir an erem Leiwen nach keng Fenster futi geschloen? (*ouni eng Aentwert ofzewarden*) Gesidd der. (*erzielt wéi et gangen ass*) Gin ech jo nët mat mengem Spuet lanscht de Giewel.

Hanner mir kennt déi' Aal fu Suftchen
gewaatschelt, rutscht aus, jeitzt erbärmlech
(*mecht eng kurz Wendung an botzt t' Dëppchen
fun der Kribenk erof*) Berdautz ! Schon fällt eng
Fenster aus der Rum.

Hannes (*an der Lucht*) Du geheiss eis nach t'ganz Haus
an e Koup (*weist op d'gebrachend Geschirr*)

Bopi (*laacht hart*) Ass daat eng Freed. Elo verdingt
t'Potchampsfabrik och nach eppes, ir se krupps
geet.

Hannes Waat ass daat iwerhapt fir en neie Moud fir mat
dem dreckegen Spuet an déi bescht Stuff ze
kommen.

Bopi Ech wollt iech dach nëmmen weisen wéi déi
Saach mat der Fenster gangen ass.

Hannes (*hëllt him de Spuet of*) Géff hier soss weiss du
eis nach méi Saachen, wéi mir gären hun.

Bopi (*setzt sech*) Ma jo - elo sinn ech awer richtig
midd.

Hannes Vum Gromperen durchstiechen, hein ?

Bopi (*laacht*) Jo – e puer sin och nach ganz bliwen.

Fritz (*drecks den Hannes virun de Bopi*) Sou, elo
schwetz de, an kuck dass Uerdnung an t'Haus
kennt. Bopi Jo daat geng neischt schueden,
(*weist op t'Schirbelen*) oder wëlls du warden bis
t'Schirbelen fum selwen zur Dir ausspazéieren ?

Hannes (*jeitzt*) Sin ech fleicht dein Kniecht ?

Bopi Gudd – Da soll t'Ketty déi' Schierbelen
ewegraumen.

Fritz T'Ketty raumt neischt méi ewech.

Bopi Wéisou dann?

Hannes Et huet gekënnegt an geet nach haut aus dem
Dengscht.

Bopi (*voll Freed*) t'Ketty geet ? (*Falt t'Hänn
zesummen a kuckt no uewen*) Herrgott, dass ech
daat nach erliewen. Firwaat geet et dann?

Fritz Wells du et nët mat Rou léiss.

Bopi Ech? Et soll sech jo guer neischt abilden, déi
domm Gäns. Et ass jo vill zevill aal vir mech.

Hannes A watt! Esou ass et nët gemengt. Bei der Arbecht
léiss du him keng Rou.

Bopi Ah sou. Ass de Bopi erem eng Kéier de
Sënnebock.

Fritz Sënnebock hin, Sënnebock hier – nët zum aushalen ass et mat dir.

Bopi Sou. Daat ass de Merci well ech dir beim Grompereneraushuelen gehollef hun.

Hannes Du brauchst kengem ze hellefen.

Fritz Eleng maachen ech et besser an vill méi séier.

Bopi (*motzt*) Gudd, fun haut un réieren ech keng Hand méi un.

Hannes Du muss dach agesin Grousspapp. Ech gläwen gär dass du eis hëllefen wëlls, awer.....

Bopi Brauchs mir neischt ze soen. Vun haut un kann t'Arbecht mir nolaafen. Ech réiere keng Hand méi.

Fritz A well mir schon grad dobei sin – soen ech dir och nach gleich: Deng Faxen & Flausen hun mir eis déi längsten Zeit gefaale geloss.

Bopi Waat mings du domadden?

Hannes Dem Ketty eng futtis Maus an t'Bett leeën an meng Zalot mat Spiritus umaachen, daat passt sech nët, daat geet ze weit.

Bopi Ah sou! Wann ech duerfir suergen, dass dir nirwent eerer schwéierer Arbecht e wéineg Amusement huet, dann heescht et gleich Faxen a Flausen. Gudd. Vun haut un ass et aus mat dem Amusement. Dir verdingt et nët besser.

Hannes Du muss mech richtig verstoen Grousspapp.

Bopi Ech verstin schon. Mat mir wärd dir vun Haut un nët méi ze laachen hun.

Fritz Daat haten mir bis elo och nët.

Hannes Rou a Fridden soll am Haus sin. Méi wëlle mir nët.

Fritz Fëmm deng Peif, drenk dein Schluetschen, liess t'Zeitung an Meckefängken ass jo och keng iwel Beschäftegung.

Bopi (*kuckt op t'Auer*) Elo ass et zeng Auer. Vun halwer eelef un sollt dir een Grousspapp hun, wéi dir iech e wënscht.

Hannes Virwaat dann eréischt vun halwer eelef un?

Bopi Well ech fir t'éischt nach mam Ketty ofrechne muss. Sou an elo hun ech Duescht. Daarf ech mir fleischt e Glas roude Wein aus dem Keller huelen oder sin daat och Flausen wann een aale Mann Duescht huet.

Hannes Géi nëmmen – mir hun dir nach nie virgerechnët, was du giess a gedronk hues.

Bopi *(dréint sech ëmm a geseit den Hut um Buedem leien, hiewt en op an seet zum Hannes)* Weess du keng besser Platz fir dein Hutt?

Hannes Et ass dach dein. De Fritz huet e matbrucht.

Bopi Mein? Daat ass dein Hutt. Ech hat en ugedoen, well ech mein nët fond hun *(hängt den Hut op en Nool)*.

Hannes Faal nët Kellertrap of !

Bopi Of nët, höchstens erop, wann ech de Wein bis probéiert hun. Waat gëttt et dann haut zu Mëtteg?

Hannes Sauerkraut mat Speck.

Bopi Speck mat Sauerkraut wär mir léiwer *(of)*

Fritz Ech sin firwëtzeg waat hien bis halwer eelef nach alles zum Onwee mecht.

Hannes Neischt wärt hien maachen. Ech passen schon op.

Fritz Nach méi virwëtzeg sin ech waat mir no halwer eelef erliewen wärten. Dee gëtt jo dach keng Rou.

Hannes *(rosen)* Da flitt en! Da soll e goen wou de Pfeffer wiest – ech denken awer dass en et nët sou weit komme léist.

4. Optrëtt

Hannes Fritz Ketty dann Bopi

Ketty *(färdeg fir fort mat engem klengen Koffer)* Sou ech sin färdeg fir t'Rees, loss der et gudd goen Bauer.

Hannes Gees de wirklech Ketty? Elo grad huet de Grousspapp ons versprach, dass e brav wëllt sin. Wëllste nët nach e puer Wochen probéieren?

Ketty Léiwer nët. Versprache Eeër gin der 13 op eng Dosen. Et ass och nët eleng wéinst dem Bopi, wufir ech fort gin. Mat dem Haff geet et dach ëmmer méi biergof an et bestinn keng Aussichten

dass et besser gëtt. An engem Joer gehéiert
iech de Cheminee emol nët méi. Fir mech ass et
dann och keng Eier méi wann et heescht daat do
kënnt vun engem ruinéierten Haff. Sou! Elo wees
d'et an elo gin ech.

Hannes Et huet awer och schon Kniet an Meed gin, de
nët vun engem kranken Haf fortgelaaf sin, bis en
erëm gesond war.

Ketty Do haaten se awer bestëmmt keen Bopi, den
engem vu Mueres bis Owes an t'Medezin speizt.

Hannes Abee gudd! Leit déi reese wëllen soll een nët
ophalen.

Bopi (*kënnt mat engem Glas Wein*) Dann ass eben
eng Kou manner um Haff (*setz t sech op seng
Platz*) .

Ketty Durfir bleiwen d'Ochsen alleguerten hei.

Bopi Schued Ketty dass du nët e Joer méi jonk bass,
ech hätt dech op der Platz bestuet, fir dass de op
dem Haff bléiws. Mir kënnten ons dann den Hond
spueren.

Ketty Do héiert dir joo waat ech mir fun dem
Neischnotzt nach muss gefale lossen ir ech gin.

Fritz Bopi, sief dach roueg.

Bopi Wisou, ass et schon halwer eelef.?

Ketty A wéi ass et mat mengem Zeegnes, Bauer, hues
du et schon geschriewen?

Bopi Loss mech daat schreiwen, Hannes.

Hannes Neen, daat sin meng Affairen. Geschriewen ass
et nach nët, nëmmen daat ass geschwenn
geschitt.

Ketty (*hëllt en Ziedel aus dem Ausschnëtt a reecht en
dem Hannes*) Ech hun dir et schon
opgeschriewen, wéi ech et gären hätt. Da
brauchst du der de Kapp nët méi ze zebriechen.

Bopi Do hues du awer eng stramm Briefkëscht Ketty.

Ketty Awer nët fir deng Bréif.

Hannes (*liest*) „ Ich bescheinige hiermit,dass die Kathrin
Meyer mir zwei Jahre treu, ehrlich und fleissig
gedient hat. Sie ist mir über alles gegangen.....

Bopi Besonders über die Gebeisgläser.

Hannes Roueg (*liest firun*) „ Ich lasse dieselbe nur
fortgehen, weil sie nicht zum verrecken

hierbleiben will und kann nur sagen: Hut ab vor Kathrin Meyer „

Bopi Einfach grouassarteg wéi daat Framensch mat sech selwer zefridden ass.

Fritz Daat waare mir och.

Hannes Jo. En Ablack Ketty ech schreiwen dir et gleich op. Fritz komm haal mir t'Blaad un datt et nëtt rëtscht. (*of*)

Fritz (*iwerem fortgo'en*) Dir zwéin kënnt alt anzwëschen Abschied fe'eren. Dreckt iech awer nët ze fest. (*of*).

5. Optrëtt

Bopi a Ketty

Ketty (*setzt sech op seng Valise dem Bopi de Reck zougedréint*).

Bopi Waat soll daat heeschen Ketty? Et darf een dem Feind dach nët de Reck zoukéieren.

Ketty Ech sin keen Zaldot.

Bopi An trotzdem e Zerrjant. Komesch, ass et nët esou.

Ketty An du bass en Elefant. Nachméi komesch, nët wouer? Wouss duu deng Patten hinstells, do gëtt et nëmnen Schiebelen.

Bopi Zreckschéissen kannst de nët schlecht. Daat muss dir de Neid lossen. Schued dass de schon gees. Et léist sech esou lëschtteg mat dir streiden.---- Herrjee, elo sin mir lauter Männer op dem Haff.

Ketty Mat enger aaler Wäschfra.

Bopi Wiesou?

Ketty Meija, du bass jo nach hei.

Bopi Pass du op, dass du op ën Haff kënns wou keng Männer sin. Da bass du do deen eenzege Borscht.

Ketty Dee war ech och hei.

Bopi Denger Zong no kënnt een et baal gléiwen.

Ketty (*dréint sech flott ëmm*) Waat hues mat

menger Zong?

Bopi Geseis de – elo sätz du wéi et sech gehéiert. An elo erzielst du mir emol wéis du dech ennersto'e konns fir dem Bauer ze soen, dass ech dech verdriven hätt.

Ketty (*ass opgestan*) Ass daat villeicht nët wouer ?
 Bopi Ech an dech fun hei verdriwen? Ech sin frou dass du iwerhapt hei bass. Mat Fraleit maachen ech léiwer de Geck wéi mat Maansleit. – Déi speitze mee séier Gëft wann en se stëppelt . Et huet een méi dofunner.

Ketty Du wirs nach am Stand ze kreischen wann ech fort gin.

Bopi Ka sinn. Awer fu lauter Freed. Eigentlech hätt ech dir nach ordentlich de Marsch misse blösen, wells du mech beim Hannes beklaupt hues, awer ech kann nët. Wann ech dech esou mat denger Valise firu mir stoen gesin, da gëtt et mir ganz festlech zu Mut, sou dass ech am léiwsten dën Zylinder opsetze wéilt.

Ketty Ech kann dir nëmmen soen, dass de Bauer zwéin Zylinder opsetze geng, wanns du a menger Platz gengs goen.

Bopi Huet hien daat gesot ?
 Ketty Jo daat huet hien gesot.
 Bopi (*stutzeg*) De Bauer ?
 Ketty Jo de Bauer höchst perseinlech.
 Bopi (*no enger Paus,roueg*) Daat ass gelunn.
 Ketty Déi rengste Wourecht ass et. A recht huet hien och. Anstatt dass du dech schéin roueg bescheiden an den Eck an deng Fautell setz stëffs du nëmmen Streit an Onzefriddenheet hei am Haus. Dë ganze léiwen Dag dreiws du dein Schabernaak an dréits redlech derzou bei dass et mat dem Haff biergof geet, geseis du da nët wee de Bauer sech ofrakkere muss? Du mierks et emol nët wéi héich et him unzerechnen ass well en dech fir neischt an widderneischt matdurchfiddert.

Bopi Dem Bauer geet et schlecht? Daat ass mir nei.
 Ketty Maach nët wéi wanns du eréischt aus dem

Uurbäsch keims. Wan sech nët geschwënn
eppes hei ännert, dann wärt hie wuel verkafen
missen.

Bopi An do wär ech mat Schold drun?
Ketty Nët grad, mee du solls et awer ze schätze
wëssen, dass heen dech bei all sengem OnGlëck
nach wéi sein eegnen Grousspapp behandelt.
Am Platz daat ze maachen schett's du him
Spiritus op t'Zalot.

Bopi (*Nët ganz frei*) Dach nëmmen aus Spass.
Ketty Ech bedanke mech fir dee Spass. Wanns du eng
Kouh streichs dann léisst de t'Mëllech an de Stall
lafen. Beim Schluechten pikst du déi verkéiert
Sau. A wanns de t'Mëscht opluedst, dann
hëllste gleich den Hunn mat op de Greef. Mei
leiwe Mënsch, fir all daat Geld, waat de Bauer
schon duerch deng Eefellegkeeten verdo'en
huet, hätt e sech schon en Trakter kafe kënnen.

Bopi (*rosen*) Lo hälls de awer de Mond. Soss deet et
mir nach leed dass ech am Platz den Hunn nët
dech mat op de Greef gespiest hun.

Ketty Daat wees ech schon laang. Sou elo hu mir
zwee eis emol ausgeschwaat fir all Zeit a fir all
Ewegkeet. (*setzt sech op de Koffer an dréint dem
Bopi de Reck erëm zou*).

Bopi Amen ! Kuck, wann et bis an t'Häll nët esou weit
wär, da geng ech dech nach haut mat der
Schubkarr bis dohinner féieren.

6.Optrëtt

De Viirech, Fritz, dann den Hannes

Fritz (*streckt de Kapp eran*) Darf een schon eran
kommen?

Bopi Komm schon. Beino häss du mech nët méi hei
erëm fonnt.

Fritz (*ass erankomm*) Wëlls du eis iren och fortlafen?

Bopi Daat nët. Mee t'Ketty hat mech baal mat Haut an Hoer opgefriess.

Ketty Wéi ass et dann mat mengem Zeegnes? Dauert et nach laang?

Hannes *(kënnt eran)* Ass schon do *(Gëttt him t'Zeegnes)* Stëmmt et esou?

Ketty *(ass opgestan an iwerflitt den Ziedel)* t'stëmmt. Ech soen dir merci Bauer.

Hannes Dein Loun hues du scho kritt -----

Ketty Jo, villmols merci.

Fritz *(hëllt de Koffer)* Ech droen dir deng Valise e Steck. Wouhinner wëlls de dann goen?

Ketty Ech fueren mam Taxi an t'Staat, fir méi séier fun hei fortzekommen.

Bopi *(hält dem Fritz ee Geldschein dohinner)* Hei géff dem Chauffeur daat, dass deen et bis op t'Musel féiert.

Ketty Behaal deng Klonken. Soss muss du dach erëm e ganzt Joer spueren fir en Honnerter zesummen ze hun.

Bopi *(stecht den Pobeier an t'Täsch)* Et war och nëmmen eng aal Rechnung.

Ketty *(reecht dem Bauer t'Hand)* Addi Bauer— Komm Fritz, da gi mir.

Bopi A mir gëss du keng Hand?

Ketty Mein Abschiedsgrouss fenns du an denger Kummer *(of mam Fritz)*

Bopi An menger Kummer? Et wärt mir dach kee Kranz Liewerwurscht op den Dësch geluegt hun *(of)*

Hannes *(rift zur Dir aus dem Fritz no)* Bleiw nët ze laang. Du muss nach mam Pärd bei de Schmat *(mecht zou)*.

7.Optrëtt

Hannes ,Bopi dann Fritz

Bopi *(kennt eran aus der Kummer – kratzt sech Hanner dem Ouer).*

Hannes Hein, waat huet et dir dann als Undenken hannerloss?

Bopi Meng Sondesschong huet et mir un de Buedem ugeneelt.

Hannes *(laacht)* Daat bleiwt engem neischt schëlleg. Geseis de an du leefs ëm emol nët no?

Bopi *(roueg)* Neen.

Hannes Wéi, ech verstinn dech op eemol nët méi.

Bopi Neen. Et geng soss den Taxi verpassen, an et ass mir dach léiwer wann et fort ass, wéi wann et e Putsch Hoer manner um Kapp hätt *(kuckt op t'Auer)* An iwregens ass et schon halwer eelef.

Hannes Jo richtig. Vun halwer eelef un wëlls du jo ën Musterbopi sin. Do sin ech awer gespaant wéi en aale Prabbeli.

Bopi Ech wëll et versichen. Op et geet, wärd der nach gesinn.

Hannes Et wäert dir wuel schwéier falen. Ech weess.

Bopi Ech fänken direkt domadden un. So mol Hannes, stëmmt et dass du mat dengem Haff geschwënn um Enn bass?

Hannes *(kuckt hien verwonnert un)* Daat frees du mech, wous de dech t'ganzt Joer ëm neischt gekëmmert hues.

Bopi Do war ech och nach keen Musterbopi.

Hannes Um Enn sin ech nët grad. Awer Geld muss ech hun. Mat honnerttausend Euro wär mir fir den Ufank gehollef. A wann dann de Fritz eent bestied, daat Monëten huet, dann kennt ech hien ofleeen an den Haff wär gerett.

Bopi Also honnerttausend Euro brauchts de an e Meedchen fir de Fritz. Honnerttausend Meedercher an een € wäeren natirlech méi licht ze beschaafen.

Hannes Daat ass wouer. E Meedchen hätt ech schon fir de Fritz deen Klautschen awer wëllt et nët.

Bopi Rieden mer fir t'éischt emol fum Geld. Eng Fra huet Zeit. Wéini musst du daat Geld hunn?

Hannes Mar.

Bopi *(jeitzt erféiert)* Waat? Mar schon? An du seess du wärs nët um ersaufen, dobei steet t'Wasser dir schon an den Nueslächer.

Hannes Ech sinn dreimol hannendran mat den Zensen fun der Hypothek.

Bopi Mecht daat esou vill ?

Hannes Neen, t'Zensen ass daat mannst. Et ass jo och nëmmen eng kleng Hypothek. 30 dausend Euro. Awer den Bäcker, den Metzler, t'Steierfritzen kréien nach an den Daach muss reparéiert gin – et kennt eben elo alles zefill beienanner. Elo hellefs du mir dach, wanns du kanns. Ne Bopi.

Bopi Daat ass séier gesôt. Ech kann dach nët esou e Muster fun Bopi sin an dir ze léiw ëngem den Hals emdréinen goen fir him 100dausend Euro aus dem Tirang ze bretzen.

Hannes *(irgerlech)* Du riedst deck Téin, wéi wanns du eng Mouk voll Goldstecker häss, an mech speiss de mat dommen Rieden of. Du waars all dein Liewen een Eilespiegel, an wärs et wuel och all dein Liewen laang bleiwen.

Bopi So mir emol du Klautschen, wouhir soll ech eng heemlech Mouk hun? Mir schengt et du mengs ech kéint Goldschösser spillen. Hannes ech hun neischt – nët emol esou vill dass ech mir e Kanarievull haale kann.

Hannes Ech hun och neischt fun dir erwart. Mee da riet och keen Blech, wéi wanns du mir hellefen kéins.

Bopi Wëllen geng ech schon gären, awer kënnen kann ech leider nët. Ech kann dir nëmmen verspriechen, dass du an Zukunft keen Irger mat mir solls hun. Wanns du vrun ee véirel vir elef un, dech nach emol iwer mech igrere muss, dann kanns du maachen mat mir waats du wëlls.

Hannes Déi Kéier huelen ech dech awer mam Wuert.

Bopi Jo, daat solls du och *(t'Auer schléit dreimol)*

Hannes Lauschter, elo huet et fir dech geschloen.

Bopi *(setzt sech op seng Bänk an drenkt de Räscht Wein aus sengem Glas, daat nach baal voll ass)*

Fritz *(kennt zur Dir eran geschoss)* Papp, t'ganz Faass roude Wein ass ausgelaaf.

Hannes Waat?

Fritz De Bopi huet vergies de Stopp an t'Lach ze stiechen.

Bopi Daat war virun halver elef (*sprengt mat dem Glas an der Hand bei t'Auer an reckelt se op halwer eelef zreck*).

Hannes (*jeitzt*) Waat mechs du do ?

Bopi T'Auer geet eng véirel Stonn ze fréi.

Hannes (*setzt den Zär erëm op seng richtigeg Platz*) Déi Auer geet richtigeg. Elo ass t'ganz Fass roude Wein bei der Deiwel!

Bopi Mecht neischt, dee Wein do haat souswiesou keng Drauw gesin.

Fritz Geseis de, waat hun ech dir gesot. Nëmme Schued kann hien nach urchen.

Hannes (*rennt an der Stuff op an of*) Tja, tja, tja, do muss eppes geschéien.

Bopi Vu mir aus, ech hale stall.

Fritz Soll ech elo mam Pärd bei de Schmatt go'en?

Hannes Jo. – Véier Eisen muss t'Pärd hun. Botz awer fir t'éischt de Keller op a loss t'Dir opsto'en fir dass en drechent an de Geroch erausgeet..

Fritz (*kuckt de Bopi schro un an geet of*) Jo Papp.

Hannes (*zum Bopi*) Waat seess de dann elo?

Bopi Ech – neischt.

Hannes Waat hues du da wëlles ze maachen?

Bopi So mir léiwer was duu elo wëlls, daat ass villméi interessant.

Hannes Daat wees ech nach nët.

Bopi Dann iwerlee der emol. Ech gin elo och an de Keller.

Hannes (*rosen*) Weells du vleicht dem Fritz erëm hëllefen?

Bopi Neen, ech gin kucken op vleicht nach e Glas Wein fir mech am Fas bliewen ass (*mam eidle Glas fort*)

Hannes (*rennt durch t'Stuff*) Sou geet et nët firun – Ou wien kënnt dann do ?

8.Optrëtt

Péiter Gudden Moien Knubbelbauer
Hannes Salü Schlaubauer
Péiter Ech hat keng Rou ech muss dach awer emol
nofroen waat et neies hei gött.

Hannes Kenns du schon bis erof fir Béischten ze kafen.
Péiter Neen ech sin nëmmen wéinst denger komm.Ech
a meng Frau wëllen daat Bestiednes virun
dreiwen. Wee ass et, hues du mat dengem Bouw
geschwaat?

Hannes Jo.
Péiter An?
Hannes Mein Fritz wëllt dein Eivchen nët.
Péiter Da passen se jo gudd beienanner. Mein Eivchen
wëllt dei Fritz och nët. Et seet, et geng keen
huelen, deen et sei Liefdaag nach nët gesin huet.

Hannes Genau daatselwegt seet de Fritz. Et wir gudd
gewirscht wanns du dein Eivchen matbruecht
häss, dann hätten sie sech en deen aneren e
wéineg kennen bemoschteren.

Péiter Hat wollt nët. Ech kann em t'Féiss awer nët
zesummenbannen an et wéi e Kallef um Wôn
mat heihinner schleefen.

Hannes A mengers du dann ech kéint mei Bouw mat der
Geissel dorobber an t'Hondseissleck joen.

Péiter Deenen zwee feelt eng gudd Portioun Streech.
Fir hirem eegenen Glëck esou déi hënescht Seit
ze weisen. Ech wärt mein Eivchen schon
zurecht huwelen, daat gin ech dir schrëftlech op
eng Salztut.

Hannes Waat notzt daat alles, wa mei Bo'w nët wëll ?
Péiter *(mecht e sau'ert Gesicht a kratzt sech hannert
dem Ouer)* Ass daat nach dran. An ech haat mer
déi Saach schon esou geblummlecht
ausgemoolt.

Hannes A mir hätt et och grad esou just a mei Kroom era
gepasst.

Péiter *(sturkt firun sech hin)* Dorobber war ech guer nët
gefaast – *(rennt durch t'Stuff a bleiwt stracks
stoen a kuckt sech ëm)* Wou ass dann de Bopi ?

Hannes *(kuckt verwonnert)* Wouhier weess du dann dass
mir ee Bopi hun?

Péiter *(lidd)* Hues du mir jo selwer um Pärdsmoart
erzielt.

Hannes Ech? Ech mengen du dreems!
Péiter *(sicht mat Frechheet iwer die heikel Situatioun ewech ze kommen)* Sou eppes liewt nèt méi. Kregéilt stonnelaang waat en mat dem Aalen geploot wär an elo wëll en neischt méi dofunner wëssen.

Hannes Wéi – ech hätt dir ---- ?
Péiter Ma wouhir wësst ech et da soss?
Hannes *(durcheneen)* Dajee, dann muss et wuel schon esou gewiescht sin.

Péiter Geseis de – Wou ass en dann eigentlech?
Schléift en nach?

Hannes *(laacht haart)* De Grousspapp. Deen a schloofen. Deen kréint schon ir den Hunn op der Mëscht ass. Ir mir eis Aan op hun, huet hien schon seng Männerchen dorëmmer gemaacht .

Péiter *(laacht)* Ass en esou fleisseg ? Mat deenen aale Leit gött et ëmmer eppes ze laachen. Daat ass et waat mir nach doheem feelt. Meng Aal mecht dë ganzen Dag ee Gesicht wéi een Hond deem een t'Zossis eweggefriess huet. T'Eivchen mecht hir et schon noo. Ech muss soen, ech wär frou wann ech esou ë Bopi hätt.

Hannes Elo maach awer mol ë Punkt.
Péiter Wéisou, ech soen dir waat ech mengen.
Hannes *(rëselt de Kapp a laacht)* Waat et nèt alles jibbt. Mee esou geet et oft, waat deem engen lästeg ass doriwer freet sech deen aneren.

Péiter Ou, de Bopi ass dir lästeg *(no kurzer Paus)*. Wanns de wëlls kafen ech dir en of.

Hannes *(mengt falsch verstanen ze hun)* W-w-w-a-a-a-t sees du ?

Péiter Ech kaafen dir de Bopi of. Wivil kascht en?
Hannes *(sturkt de Péiter un)* Du wëlls mir de Bopi ofkaafen.

Péiter Du brauchst nëmme Joo ze souen, dann huelen ech en herno direkt matt. Deen arme Mann deet mir leed. Waat huet e schon bei dir? ! Du hues jo selwer neischt ze reissen an ze beissen.

Hannes An duerfir wëlls du en bei dech huelen?
Schlaubauer? Fun deer Seit kennen ech dech jo nach guer nèt.

Péiter Ech hun nach vill Seiten déis du nach nèt kenns.

Hannes An bezuelen wëlls du mir ën och nach.
Péiter Daat maachen ech nëmmen, fir dass du him nët ze vill nokreischs.

Hannes *(laacht haart)* Du wëlls mir also de Bopi ofkaafen?
Péiter Waat gött et dann do ze laachen?
Hannes Nujee – Hm – gudd hätt hien et jo bei dir ---
(no enger Paus, mat engem Bleck vun ënnen)
Waat wëlls de dann duerfir gin?
Péiter *(kuckt zur Fenster aus)* Ass daat deen vleicht deen do der Katz t'Hoer onduléiert?
Hannes *(rennt bei t'Fenster)* Waat mecht en? *(jeitzt)*
Grousspapp wëlls du wuel déi Kaatz direkt laafe lossen.
Bopi *(kennt mat der Katz an der Onduléierschéier an t'Fenster)* Virwaat dann? Ech maachen hir dach nëmmen eng Freed. Daat aremt Déier ass esou rabbel diir, dass kee Kueder et bekuckt. Du wärs gesinn waat se elo geschwënn hannert hir hiir sin, wann se déi Dauerwellen bis erbleckst hun.
Hannes *(béiss)* Wou hues du déi' Brennschéier iwerhaapt hir?
Bopi Déi hat t'Ketty op dem Fensterbriet leie geloos.
(léisst t'Katz laafen) Laaf, Miessi, laaf, haut kriss de e schéine Kueder. *(laacht an of)*.
Péiter *(huet déi ganzen Zeit gelaacht an jeitzt elo fu laachen)* Deen Aale gefällt mir.
Hannes Ma dann huelen a Gottesnamen mat dorobber.
Péiter Ofgemaacht Knubbelbauer *(leet Scheiner op den Dësch)* Hei sin 10dausend Euro.
Hannes *(no kurzer Paus)* 10dausend Euro? *(no enger Paus, dann onsecher)* Eigentlech ass daat e bësschen wéineg fir ee Bopi.
Péiter *(stuur)* Waat ass daat?
Hannes *(méi secher)* Daat ass nët genuch fir ee Bopi. Da muss de nach eppes dropleeën.
Péiter *(opbrucht)* Huet een schon esou ëppes erliewt! Fir daat t'Geld kann ech mer schon 10 Bopien kaafen.
Hannes Awer keen esou een wéi mein.
Péiter Datt ech nët laachen.
Hannes Gudd, dann kaaf dir eben een anzwousch aanescht.

Péiter (No kurzer Paus) Also, fir gudd Frënn ze bleiwen, Knubbelbauer, maach mir ë Preis.

Hannes Drëssegdausend Euro – soss haalen ech mei Bopi.

Péiter Bass du geckech? Duerfir kréien ech scho baal en halwen Trakter.

Hannes Gudd, da setzt duu dir en halwen Trakter op deng Uewebenk.

Péiter Wéi kanns du fir esou en aale Klepper, sou en Koup Geld verlaangen?

Hannes Dee Bopi ass baal nach ganz nei.

Péiter Uechzeg Joer, ass daat bei dir nei!

Hannes Aale Wein kascht och méi wéi jonken, Brauchs ë jo nët ze huelen. Ech sin frou dass een am Haus ass, deen eis t'Grillen verdreift.

Péiter Elo grad hues du nach gesoot, hien wir dir lästeg an ech soll ën a Gottesnamen mathuelen. Wéi reimt daat sech dann elo mat deem onverschimte Preis?

Hannes Also wéi hat ech gesôt, du bezuels Véierzegdausend Euro oder mir brauche nët méi iwer de Bopi ze schwëtzen.

Péiter (entsaat) Véierzegdausend ? Elo grad waaren et der nach dressegtausend.

Hannes Mir fällt et an, dass ech jo keen neie Grousspapp méi kréien. Wanns de nach laang schwëtz dann kascht ën der vleicht schon fofzegtausend. Also véierzegdausend fir t'éischt , fir t'zweet, an fir ...

Bopi (vu lenks) Fofzegdausend (Hannes a Péiter onbeweglech) Wéi? Bidd keen méi fir den aale Klepper?

Hannes (verleeëen) Bopi – mir eh, mir haaten eis e klenge Spaass erlaabt.

Péiter Ech sin de Schlaubauer.

Bopi (laacht verschmitzt) Vun dir hun ech schon vill schéi Saachen héieren.

Péiter Geseis de, dann gleews dä jo och dass ech nëmnen dein Bescht am Senn hun. Mir hun elo graad am Echt verhandelt. Ech hätt dech ganz bei mech geholl well -----

Bopi Ech weess Schlaubauer. Ech hun alles bei dër Dir nogelauschtert. (zum Hannes) Du wëlls dat et mir fir déi kurz Zeit déi ech nach ze liewen

hun besser geet ewéi bei dir. Daat muss ech dir héich urrechnen an ech hun neischt dergéint.

Péiter *(fillt sech gewonnen)* Geseis de! Do héiers de jo. Du kënns mat mir dorobber Bopi – daat ass eng ofgemaache Sach. Bei mir wärs de e Leiwén hun wéi Gott am Frankreich. Iessen, schlofen, drenken, Karte spillen an du brauch's neischt ze schaffen.

Bopi Groussarteg!

Péiter Ech a meng Fra -----

Bopi Ech weess. Dir kënnt nët ouni Bopi liewen. Mee wann ech schon t'grousst Lous zéien, da soll den Hannes awer och ëppes matkréien derfun.

Péiter Huet ë schon ! Huet ë schon ! Zengdausend Euro bezuelen ech him fir dech.

Bopi Zengdausend Euro ! Du hues ëm der jo schon dresseгдаusend gebueden.

Péiter Stëmmt. Fällt mir elo grad erëm bei. Also dresseгдаusend Euro.

Bopi Neen, daat geet nët duer. Ech losse mech dach nët zum Braderiespreis verschleideren. Mat honnertdausend Euro ass den Handel perfekt.

Péiter *(no engem déiwen Otemzug)* Ausgeschloss. Bass du en Trakter oder ë Grousspapp?

Bopi Ech sin ë liewege Grousspapp. Trakteren kanns du kaafen esou vill wéiss du wëlls. Mee weiss du mir emol eng Buttiksfenster wou e Bopi ausgestallt ass.

Péiter *(greift sech un de Kapp)* Honnertdausend Euro?

Bopi E Bopi ass e Luxusartikel an dë Luxus dee kascht Geld.

Péiter *(zum Hannes)* Du stees do wéi e Staches a mechs t'Maul nët op. So him dass daat ë Wucherpreis ass.

Hannes Ech kann mech nët dran mëschen. Den Handel war fir mech eben nëmmen Spaas. Wann hien elo selwer Escht mecht, dann sin daat senger Saachen.

Péiter Knubbelbauer, daat ass eng Gemengheet, dass du elo neischt méi dofunner wësse wëlls.

Bopi Déi ganz Riederei huet jo guer keen Zweck *(zum Péiter)* Bezills de honnertdausend Euro oder nët?

Péiter Wanns du nët esou unverschimt mam Preis an t'Lucht gaange wiers.

Bopi Fir t'Bopien gëtt et keng Hëchstpreisser. Moschter mech gudd. Du kriss eng gudd Wuer (*dréint sech op engem Fouss ronderem an klappt an t'Hänn wéi e Bayer*) Hurra!

Péiter Jo, jo, dech keinte mir brauchen.

Bopi An mat mir hätts du méi Freed wéi mat drei Kanarien.

Péiter Jo, jo, daat gleewen ech schon – duerfir wëll ech dech jo och kaaffen – wanns de am Preis nët esou gepeffert wärs (*no enger kurzer Paus, zum Hannes, kurz entschloss*) Also gudd! Paak en an!

Hannes Apaaken?

Péiter Nët a Pabeier – an e Mantel. Et ass ziemlech frësch dobaussen an ech sin mam Sportswon hei.

Bopi Vir t'éischt muss ech déi honnertdausend gesin.

Péiter (*greift an t'Täsch, bliedert 10 dausender op den Dësch an stecht de Portefeuille erëm an t'Täsch*)

Bopi Daat sin der ereischt 10 dausend.

Péiter Daat anert Geld kënnt no.

Bopi Wéini dann?

Péiter All Mound 10 dausend Euro.

Bopi (*gëtt dem Hannes de 10 dausend Euro*) Gut Schlaubauer. Dann kanns du haut mein Nuetsläpp mathuelen, dä Rescht kënnt no. Oder mëngs du, du kéins mech op Raaten huelen?

Péiter Haut kritt een alles op Raaten.

Bopi Mech awer nëmmen géint booren Droot. Soss bleiwen ech am Butek.

Péiter Dir huet Chance dat ech um Moart deen neien Trakter net kaafe konnt, deen war nach net ukom, duerfir hunn ech esouvill Moneten an der Täsch (*greift an t'Täsch an leet 9 Päck Dausender op den Dësch*) Hei, nëmmen fir dass du roueg bass. Honnertdausend Euro.

Bopi Nujee, daat léist sech gesin. Abee ech gratuléieren dir villmols (*laacht hart, Hannes an Peter lache mat - Jiddereen mengt e Grond ze hun fir deen aneren auszelaachen. T'Laachen muss dofir ausgesprach voller Neischnotz klengen*)

Bopi *(zum Hannes)* An dem Fritz seess du herno, ech wier t’Kellertraap erofgefall an hätt mir t’Bee gebrach an du häss mech an t’Spidol gefouert.

Hannes Och gudd. Hie brauch neischt vun dem Handel ze wëssen.

Péiter *(zum Bopi)* An elo paak deng siewen Saachen zesummen. Ech huelen dech gleich mat.

Bopi Daat ass an engem Moment geschitt. Ech kréien alles an mein Nuesschnappech ageweckelt. *(of)*

Péiter Scheck mir de Bopi herno eraus. Ech maachen him alt eng gudd Plaatz an mengem Auto.

Hannes Geet an t’Rei. Ech kommen iech och eng Kéier besichen fir ze gesin wéi der iech verdroot.

Péiter Daat kanns du roueg maachen Knubbelbauer. Dajee Äddi. *(of)*

Bopi *(kennt eran. En klengen Hitchen um Kapp, e krommen Reesbengel mat engem Bendel um Reck).*

Hannes Bopi, ech weess nët waat ech soe soll.

Bopi Daat mecht neischt. Dann haal de Mond eben. Ech weess et. Daat geet joo duur.

Hannes Virwaat an aller Welt bezillt hien fir dech honnerttausend Euro?

Bopi Well hien mengt mat mir nach méi wéi zing mol esou vill erëm ze verdingen.

Hannes Daat gött et dach nët.

Bopi Zerbruech der de Kapp nët doriwer. Sief frou dass du déi honnerttausend Fechs elo esou onerwaart séier kritt hues fir dein Haf.

Hannes *(resselt de Kap)* Ech wéisst nëmme gären -----

Bopi Ech soen dir nëmmen daat eent: Den Schlaubauer ass ee ganz grouse Filou. Awer ech sin nach méi ee groussen. Ech hun déi läscht Tromp am Grapp.

(Wann e fortgeet, wenkt hien dem Hannes nach an dann geet de Rideau zou).

R i d e a u

II AKT

Stuff beim Péiter Schlaubauer. Si ass méi schéin agericht wéi dem Knubbelbauer seng. En Dësch, eng Benk, eng Fëenster an zwou Diren.

1.Optrëtt

Péiter, August

- Péiter *(am sonndese Kostüm, an Hirmsärm, fëmmt t'Peif bein Dësch a liest an enger Zeitung).*
- Gust *(de Kniecht streckt de Kapp eran zur Dir) Bauer!*
- Péiter *(kuckt rosen op) Waat wëlls du?*
- Gust Geheis du mech eraus wann ech eran kommen?
- Péiter Waats du wëlls hun ech dech gefrot?
- Gust *(eran) Dech fir eppes froen.*
- Péiter *(kno'tert) Sou eppes héieren ech gären. Also schéiss lass.*
- Gust Meng Schwester gëttt mar bestued, an do hätt ech gären Urlaub bis mar den Owend, well ech op der Hochzeitsfriess derbei wëll sin.
- Péiter *(steet op an kennt no vir) Neen, geet nët grad elo wou mer an der deckster Arbecht stiechen, neen, ech hun nët Leid genuch.*
- Gust. Soo dach joo. Wann se déi nächste Kéier bestuet gëtt, sinn ech och schon mat engem halwen Dag zefridden.
- Péiter Wou wunnt deng Schwester dann?
- Gust Zu Donkels.
- Péiter Sou weit ewech? Dajee, fuer mengetwegen dohinner, wanns du unbedengt bei deem OnGlück dobei wëlls

sin. Fir déi Zeit awer wous de fortbass, muss du mir ën anere Kniecht besuergen, soss bleiws du hei.

Gust Ech muss direkt fueren. Wou soll ech dann esou séier een anere Kniecht hirkreien?

Péiter Daat geet mech neischt un. – Wéini ass dann iwerhapt den Zirkus am Nopeschduerf aus?

Gust Si wären um fënnef Auer erëm hei, huet t'Beierin gesot. Déi huet sech allerhand geirgert.

Péiter Geirgert?

Gust Jo, well se de Bopi huet misse mathuelen. Iwerall muss dee Plogeescht derbei sin.

Péiter Du solls dein Mond halen. Ech leiden nët dass esou iwer dë Bopi geschwaat gött.

Gust Ech sinn jo schon roueg (*geet op t'Dir lass*).

Péiter Soo dem Eivchen et soll mir de Kaffi brengen.

Gust Daat ass mat an den Zirkus gangen.

Péiter (*firt an t'Lucht*) Waat? Daat och?

Gust Dë Grousspapp wollt et esou hun.

Péiter (*erem roueg*) Ah sou, dann ass et gudd.

Gust Ech wëll emol den Jeek froen op hien nët fir mech asprangen wëllt.

Péiter (*setzt sech erëm un den Dësch*) Mengetweegen, mir ass et ganz egal weens du brings. Nëmmen bring mir keen deen manner schafft wéiss du, an awer méi ësst.

Gust Waat mings dë, esou een hu mir dach schon um Haf.

Péiter (*kuckt op*) Sou? Ech wéisst awer nët ween daat kéint sin.

Gust Ma du! (*séier fort*)

Péiter (*ass rosen opgesprongen, setzt sech awer erëm dohinner*) Daat Groussmaul gött och alt nët aal op mengem Haf, daat steet scho fest. (*hëllt t'Zeitung a liest*).

2.Optrëtt

Péiter, Ketty

Ketty *(kuckt zur Fenster eran an dem selwegten Gezei wéi am éischten Akt)* Keen doheem?

Péiter *(kuckt hanner der Zeitung eraus)* Spills de Blindekuh mat mir oder hues de mech wirklech nët gesinn?

Ketty Bass du de Bauer?

Péiter Neen, ech sin de Kniecht.

Ketty Hun ech mir gleich geduecht. Kanns du mir nët soen op de Bauer eng Mood brauch?

Péiter Hm, t'ass méiglech. Kenns de vleicht eng?

Ketty Jo, mech selwer. Ass de Bauer doheem?

Péiter Jo, komm eran, wanns de mat him schwetze wëlls.

Ketty Gudd ech kommen eran (*fort fun der Fenster*)

Péiter *(Faalt Zeitung zesummen an steet op)*

Ketty *(Eran)* Gudde Muergen.

Péiter Moien och.

Ketty Dein Bauer muss e gudde Mann sin, well en dech esou lidderech hei leie léist fir t'Zeitung am hellen Doo ze lesen.

Péiter Ech sin ganz zefridden mat him.

Ketty Wéi et mat dem lessen stëmmt, brauch ech nët ze froen, wann ech mer dein Bauch bekucken. A wéi ass et mat dem Schlofen?

Péiter Gudd. Ech schlofen bei dem Bauer senger Fraa.

Ketty *(entsaat)* Waat?

Péiter Ech maachen et jo nët gären mee ech muss.

Ketty Muss?

Péiter Jo, well ech de Bauer sin.

Ketty Du bass – ah duu bass ën, an ech hun dech fir de Kniecht gehalen, dann kann ech alt schon erëm gleich goen *(Wëllt fort)*.

Péiter Neen, neen, bleiw hei. Du gefälls mir. Kanns de dann och schaffen?

Ketty Am Stod, am Stall, op der Gewaan – ech kenne mech iwerall aus.

Péiter Hues de dann och Pobeieren?

Ketty Drei. Op menger éischer Platz war ech fënnef Joer. Op menger zweeter drei an op menger leschter zwee. Do huet esou en aalen Grobart mir t'Liewe sauer Gemaach, soss wär ech elo nach do.

Péiter Da weiss mer emol deng Pobeieren.

Ketty Meng Valise ass nach op der Gare an do sinn se drann. Soll ech se siche goen?

Péiter Ech wëll der emol eppes soen, veierzeng Deeg probeieren ech et mat dir.

Ketty An der Rei – mee daat probéieren berout op Gegenseitegkeet. Wann et mir nët hei gefällt da gin ech vum selwen.

Péiter Da géi deng Valise emol sichen. Du kanns hei bleiwen. Bei mir heecht et awer upaaken. De leschte Mound hun ech der gleich drei erausgeheit. Wann neicht matt der lass ass, da flits de och a 14 Deeg.

Ketty A wann neicht mat dir lass ass, dann fléien ech schon no 8 Deeg, awer vum selwen.

Péiter Wanns de mat den Hänn och esou vive bass wéi mat dengem Mondsteeck, da sinn ech mat dir zefridden.

Ketty A wanns du mat dem Bezuelen grad esou séier bass wéi mam erausgeheien, dann kann ech jo och zefridden sin (*of*).

Péiter Daat huet der fleicht eng Peffermillen. Et drescht mam Mond nach méi séier wéi mein Greef.

3.Optrëtt

Péiter , Eivchen dann Gust

Eivchen (*ouni Otem zur Dir eran*) Papp ech brauch eng Box! de Grousspapp ass am Zirkus op engem Elephant geridden an huet sech t'Box vun uewen bis ënnen opgerass. Wann e keng Box kritt, kann en nët heemkommen.

Péiter (*jeitzt*) Waat huet de Bopi dann op engem Elefant verluer?

Eivchen Hien huet gesot e geng och emol gär op engem Elephant reiden.

Péiter Wou soll ech dann elo esou séier eng aner Box hierhuelen? Meng sin em dach nët moss.

Eivchen Gëf him eng vum Gust, vum Kniecht. Si muss jo nët schéin sin. Haptsaach hie kann se undoen.

Péiter Dann huel der eng beim Gust an der Kummer,sie muss jo opsin. Ass den Zirkus da schon aus?

Eivchen Neen, elo tritt de Feierfrësser nach op.

Péiter Passt nëmmen op dass de Bopi nët nach Idi kritt fir Feier ze friessen.

- Eivchen T'Mamm huet sech hallef op e gesaat, fir dass en nët opstoe kann. An durno kommen nach Fraen déi matenaner catchen.
- Péiter Waat gëtt am Zirkus och nach geknëtscht. Pass op dass deng Mamm nët och nach an de Ring geet, soss fueren do Spéin ewech.
- Eivchen De catch darf ech nët verpassen (*leeft fort*)
 Gust (*von dobaussen*) Ma da renn mech dach nët iwer e Koup. (*kënnst eran*). Eng verreckt Welt déi Fraleit.
- Péiter Wéi ass et dann elo? Wëllt de Jeeck dann esou laang fir dech asprangen?
- Gust Neen, huet e gesot. Bei esou e Leitsschënner gin ech nët, huet e gesot.
- Péiter Deen Dreibitz ass vleicht nach eng Kéier frou wann e bei mir de Stall mëschte kann. Mee da gëtt et jo dann neischt mat dengem Urlaub.
- Gust Meng Schwester huet mir awer geschriewen, ech misst onbedengt kommen. Ech soll nämlech op de Breitchemann oppassen, dass en nët nach aus der Kirch fortleeft.
- Péiter Daat ass mir egal. Mengetwegen kann deng Schwester sämtlech Kirchendienere zouneele lossen (*dréint sech em, fir an t'Schlofkummer*) Ech leeë mech e Streppchen. Siew esou gudd an erwech mech wann meng Fraa erëm kënnst.
- Gust Sou fest kanns du jo guer nët schlofen dass du dee Kaméidi nët héiers.
- Péiter (*An der Dir*) Hälls de wuel t'Maul!
- Gust En Donnerwieder nët nach – wéi soll en sech hei uleeen fir fortzekommen.

4.Optrëtt

Gust a Fritz

- Fritz (*nët grad Sonndes ugedoen mat Velopetzen un der Box, e Rucksack um Bockel, eran*) Moien, ech hätt gär mam Bauer geschwaat.
- Gust Dee pennt.

Fritz Dat ass domm. Et wir eppes séier Wichtigees.
Gust Ma du kanns mir et jo emol fir t'éischt soen. Wann ët dann esou wichtig ass, dann hunn mir de Bauer och nach séier wakreg.

Fritz Ween bass du dann?
Gust Ech sin de Kniecht op sengem Haf.
Fritz Ass seng Fraa dann nët heiheem?
Gust Neen.
Fritz An – an – t' Eivchen och nët?
Gust Neen.
Fritz *(Paus)* Daat wärt wuel esou e richtegt Trampeldéier sin, daat Eivchen, hein?

Gust *(hëllt eng Photo aus dem Kader vum Schaaf an hält dem Fritz se dohinner)* Ass daat vleicht ën Trampeldéier?

Fritz Donnerwieder, nët schlecht. Flott esouguer. Hm, schued dass nëmmen déi iewecht Halschecht op dem Bild ze gesin ass.

Gust *(hëllt déi aaner Halschecht aus dem Tirang)* Hei hues de t' Fortsetzung, de Bauer huet se an der Mëtt durch gerappt, well se soss nët an t'Rum eran gange wär.

Fritz *(kuckt déi ënnescht Halschecht an hält déi aaner an der anerer Hand)* Daat ass jo allerhand ech muss soe waat ass *(gëtt dem Gust déi 1.Halschecht erëm)* Hei, mein Dank ass grouss.

Gust An t'Eivchen ass och e gudd Meedchen! Vu weem sie daat gëiewt huet, bleiwt e Rätsel. Vun der Mamm huet hätt si et nët, an nu guer nët vum Papp.

Fritz *(kuckt ëmmer op t'Bild)* Ech komme mir es nët zou *(Stecht t'Bild an Täsch).*

Gust *(hëllt him et erëm eraus)* Nee mei Beschten, daat gëtt et nët *(leet déi zwou Halschechter op hir Plaat zreck)*

Fritz Geseit hat dann tatsächlech esou aus wéi op dem Bild?

Gust Tatsächlech, nëmmen nët an der Mëtt durchgerappt.
Fritz *(vertraulech)* Soo – ech wëll dir elo emol eppes erzielen. Mein Papp an dem Eivchen sein Papp hunn ënnerenaner uitgemaach dass ech t'Eivchen bestueden soll. Ech hun mech dergéint gewiert, well ech et jo guer nët kennen. Do sin ech einfach mam Töff heihinner gefuer kom, fir mir et emool unzekucken.

Gust Kuck der et roueg mool un, du bass jo deejeenenegen, deem et wéinstens dreimol an der Stonn t'Aan auskraatze wollt.

Fritz Et kennt mech jo och nach guer nët.

Gust Da kann et dech jo elo kënne léieren.

Fritz Aus där Ursaach sinn ech jo heihinner komm. Ech muss soen waat ass, daat Bild gefällt mir. Nëmmen ech geng och nach gär wëssen wéi ech soss mat em dru sin.

Gust Ech hun der jo scho gesoot et ass eng gudd Séil.

Fritz Daat kann ech gleewen wann ech wëll.

Gust *(kuckt en e pur Sekunden un, fiert sech mat der flacher Hand vun uewen no ënnen iwert t'Gesicht a paakt sech nodenklech un de Kenn)* Soo – hues du Loscht fir bis mar den Owend als Kniecht hei ze bleiwen?

Fritz Ech?

Gust Meng Schwester gött bestued. De Bauer gött mir awer keen Congee, wann ech him fir déi Zeit keen Ersatzkniecht fannen. Wanns du a menger Platz als Kniecht bis mar hei bleiws, da kanns de der jo t'Eivchen fun méi no ukucken.

Fritz *(begeeschtert)* Super! Kolleg, daat maachen mer.

Gust *(hállt em t'Hand duer)* Also ofgemaach, du bass jo averstanen?

Fritz *(schléit an)* Ofgemaach! Sou ass eis allen zwéin geholllef.

Gust Herrjeeminee, waat wärt meng Schwester sech freeën. Wéi heechs du dann?

Fritz Fritz.

Gust Also vun elo un heechs du Batty, du bass mein Frënd dee mech besichen kom ass. Ech sin de Gust.

Fritz Wann alles gudd geet, da gin ech och eng Tournee zum Beschten.

Gust Déi Sproch lass ze verstoen. Meng Schwester wärt mech fu Freed erdrecken.

5.Optrëtt

Déi Vireg – Péiter

- Péiter (rosen *aus der Schlofkummer*) Himmeldonnerwieder nach emol, bei deem Geschnadder kann een jo nët schlofen. (*geseit de Fritz*) Waat mechs du dann hei?
- Gust Daat ass mein Frënd Batty, deen bis mar den Owend fir mech asprengt.
- Fritz Ech wollt eigentlech nëmme mein Frënd Gust besichen. Well ech awer grad neischt fiirhun, kann ech bis mar den Owend an senger Platz heibleiwen, wanns de neischt dergéint hues.
- Péiter Mir ass et egal, wien t'Arbecht mecht, t'Haptsaach ass si gött gemaach.
- Fritz Dorobber kanns du dech verloossen.
- Gust Kann ech elo goen, Bauer? An enger véierel Stonn firt mein Zuch.
- Péiter Maach dech ewech! Mee bleiw mir nët direkt déi ganz Woch fort.
- Gust Keng Angscht, wann ech nët direkt och nach Daafpätter muss spillen, da sin ech erëm geschwënn hei.
- Péiter (*zum Fritz*) Haut de Mëtteg hues de nach frei.- Haut den Owend muss du awer drun, an zwar am Stall. Kéi an t'Pärd mëschten.
- Fritz Wéiss du et gären häss. (*zum Gust*) Da gin ech elo nach mat dir op t'Gare a kucke mir t'Duerf e wéineg un.
- Gust Dajee äddi Bauer, a sief nët traureg. Mar hues du de Gust erëm. (*zum Fritz*) Dein Töff kanns du an den Holzschapp stellen an a menger Kummer kanns du schloofen. Komm mat, ech weisen dir alles. (*an der Dir*) Herrjeeminee, waat wärt meng Schwester Aa maachen, wann se mech geseit (*mam Fritz fort. Fu weit eng rosen Stëmm vun enger Frau déi séier méi no kënnt*).
- Péiter Mir schengt et wéi wann meng Aal schon an der Strooss geng sungen. (*kuckt zur Fenster eraus*) Se jeitzt wéi wann den Elephant se op t'Féiss getrëppelt hätt.

6.Optrëtt

Péiter – Gréit

Gréit (opgeregt eran) Fir dass d'ët gleich weess. De Bopi muss erëm aus dem Haus! Nët eng Stonn méi bleiwen ech mat deem Ongeheier ënner engem Dach.

Péiter Waat ass dann nëmme lass?

Gréit Et ass nët ze gleewen. Mëtten ënnert de Leit deet dee Kärel déi fatzeg Box aus an deet déi ganz un. Ech hätt mech kënnen an den Erdbuedem verkriechen, esou hun t'Leit gelaacht.

Péiter Ma dann häss de besser sollen op en oppassen.

Gréit (mecht en noo) „Oppasse sollen, oppasse sollen“ – wéi e schon am Kalzong do stong. Wéi ech e wollt zoudecken do hunn t'Leit eréicht gelaacht. Nëmme daat schéinst kennt nach. Geheit deen Hanswurscht mir jo nët déi zerasse Box iwer de Kap a sengt „Schenkt man sich Hosen in Tirol, weiss man was das bedeuten soll,“ do hun ech mech aus dem Stëpps gemaach. An ech soen dir et elo nach eng Kéier, de Grousspapp muss direkt aus dem Haus.

Péiter De Grousspapp bleiwt hei.

Gréit Neen ë geet.

Péiter An e bleiwt hei.

Gréit Da gin ech.

Péiter Hällt vleicht een dech zreck? Huet hien dir eppes zu Leeds geden? Déi puer Spiichten, déi e mecht, dinn kengem wéi. En henkt souwéisou schon de ganzen Dag an senger Fautell an ass mat allem zefridden.

Gréit Ried du nëmmen. Ech dulden en nët länger. De Kärel verschampeléiert mir nach t'ganz Familjen.

Péiter An ech soen der e bleiwt hei. A waat ech soen daat ass a bleiwt gesot an domadde basta. An ech hale mir fiir, dass diir mat dem Bopi aanescht ëmgitt. Zwanzeg Mol hun ech dir et scho gesot, du solls en nët esou ubillen.

Gréit Ech wees, fun hannen a fu fir soll ech e bedengen, daat beschte Steck Fleisch muss e kréien, ech muss him de beschte Kaffi maachen – deem wärt ech eppes houschten!

Péiter *(trompt op)* Neischt wärts du him houschten, du wärs daat maachen, waat ech dir soen, soss kanns du mech emol posaunen héieren, daat dir t'Trommelfell platzt.

Gréit *(am krecherechem Toun)* Wéint dem Lidderhaanes muss ech mech och nach vun dir esou ubrölle lossen. Mir Frae sin iwerall verstouss. Wir ech dach nëmmen als Mann op t'Welt komm.

Péiter Daat wär mir och léiwer gewierscht.

Gréit Ech geng awer emol gär wëssen firwaats du esou Hand iwer de Bopi hält! Dass du en aus lauter Matleed matbruecht hues, kanns du dem Deiwel senger Groussmann verzielen. Do stecht ëppes aneres derhanner.

Péiter *(steppelt)* Do kéinst de emol recht hun.

Gréit Do geseis de. Do hu mer et jo . An ech darf emol nët wëssen waat

Péiter Wells de dei Mond nët haale kanns. Weess du waat mer verléieren wanns du deng Gabberjoul ze weit opreiss? Zweek Heiser.

Gréit Waat fir eng Heiser?

Péiter Déi zweek Heiser déi enges gudden Dags eis gehéieren, wanns du mam Bopi esou ëmgees wéi ech dir et schon honnert Mol gesoot hun.

Gréit Elo weess ech nach ëmmer neischt.

Péiter Daat ass nach zevill.

Gréit Fënnefanzwanzeg Deiwelen sollen mech Dag a Nuecht pengegen, wann ech ee Stierweswiertchen doriwer verléieren.

Péiter Ech hun dem Knubbelbauer de Bopi fir honnerttausend Euro ofkaaff.

Gréit *(fällt mat offenem Mond op e Stull)* Waat hues du? –
Gëtt et daat dann nach?

Péiter Alles gëtt et, wann ech mir mat 100.000 Euro zwee
Heiser kaaff hun.

Gréit Em Goddesbiddeswëllen! Wéi kann dann nëmme e
Mënsch sein Bopi verkaaffen?

Péiter Et ass jo sein emol nët. Hien huet e fu senger
verstuerwener Fra geirwt. Wann et sein gewierscht
wir, dann hätt ech e bestëmmt nët esou bëlleg kritt.
Weess de, ech hat emol de Pärdshändler Pauly
getraff an do hun mir eis esou iwer t'Leit ënnerhaalen
an do hun ech héieren, dass et dem Knubbelbauer
schlecht geng goen. No enger Zeit huet de Pauly gär
seng Adress gehaat fir him ze schreiwen, dass en de
Geck nët méi mat sech maache geng losse. Deen
Aalen geng ëmmer maachen wéi wann e keen Hiem
fir an t'Box hätt an dobei hätt en awer zwee Heiser.

Gréit Sou ee Fues. Wou sinn dann déi Heiser?

Péiter Daat wees ech nët. Daat ass jo och egal. t'Haptdaach
se sin do. A wanns de fir 5 Euro *(tippt mam Finger op
t'Stir)* Grëtz an der Schiebel häss, da gengs de
agesin, wirwaat ech 100.000 Euro ausgin hun fir de
Bopi ze kréien an firwaat ech drop haalen, dass e
gudd behandelt gëtt.

Gréit A elo verstinn ech. De Bopi soll eis déi zwéin Heiser
vermaachen.

Péiter A. Endlech huet et bei dir gefonkt. Mee meng nëmme
nët dass hien eis déi Heiser vermecht, wanns du esou
mat him emsprens.

Gréit Oo du bass mir awer e richtege Luussert. Virwaat
hues du mir daat nët schon éischer gesot. Elo geseit
déi Saach ganz aneschter aus. Wa mer daat gengen
färdeg brengen, dass de Bopi eis als seng Irwen geng
betuechten.

Péiter Daat musse mir färdeg brengen.

Gréit Da brauche mir jo guer nët esou laang ze warden bis
daat schéint Haus bei der Schoul verkaaff gëtt.

Péiter Neen, mir bezuelen esou laang Hauszens hei bis de
Bopi sech durch t'Latte mescht.

Gréit *(rennt durch t'Stuff)* Ech – ech sinn elo jo esou
opgeregt, dass ech baal kee Wuert erauskréien.

Péiter Elo weess de jo, wass de ze maachen hues, fir dass
déi Heiser eis nët lanscht t'Nues gin.

Gréit. Brauchs keng Angscht ze hun. Ech sin elo frëndlech mat him, grad wéi wann hien all Daag Gebuerstdaag hätt. Et wärt him nach herno leed din, dass hien eis am Platz zwéin keng drei Heiser vermaache kann.

Péiter So awer kengem eppes – och dem Eivchen nët. Un deem huet en sou wéi sou schon en Af gefriess.....

Gréit Wieni schwetz du dann mat him, wéinst dem Testament?

Péiter Wann en sech bei eis gudd ageliewt huet an sech wuel fillt.

Gréit *(eifreg)* Duerfir wärt ech scho suergen. Losse mer direkt ufänken. *(fort)* *(kennt erëm mat engem Polster fir an t'Fautell wou de Bopi sech dropsëtze kann)* A Bounekaffi soll e kréien, wéi wann en fir en Tierk bestëmmt wir.

Péiter Dann haal dech nët laang hei op an maach dass de an t'Kichen kenns.

Gréit Alles muss ech maachen, ëmmer nëmmen ech, well keen Dingschtmeedchen am Haus ass.

Péiter A jo, elo hat ech daat baal vergiess, ech hun eent ugeholl, eent daat nët iwel ass.

Gréit Gott sei Dank.

Péiter An de Gust huet bis maar den Owend frei well seng Schwester bestued gött. Fir déi Zeit bleiwt sein Kolleg Batty um Haf als Kniecht. Hie war de Gust zoufälleg besiche komm.

Gréit *(séier)* Jo, jo, ass scho gudd. Domadden kann ech mech elo nët ophaalen *(Geet fort)* Wann ech nëmme wéist wou ech esou séier e Kranzkuch hierkréich.

Péiter Waat mechs du dann mat engem Kranzkuch?

Gréit Schum dech, dass du daat emol nët weess. Fir eise léiwe Bopi, deen esst dach de Kranzkuch esou gär, du Dussel *(fort)*.

7.Optrëtt

Péiter, Bopi, Eivchen

- Bopi *(mam Eivchen eran. Hien huet dem Gust seng Box un. Eivchen dréit déi zerasse Box zesummengerullt ënner dem Arm)* Moie Bauer, hei si mer erëm do.
- Péiter Ma wéi war et dann?
- Bopi Schéin. Wonnerschéin ! Am léiwsten wär ech haut den Owend nach eng Kéier dohinner gangen.
- Péiter Ma daat kanns de maachen, du brauchst et nemmen ze soen.
- Bopi Neen, neen, daat kascht zevill Souen.
- Eivchen O waat! Déi puer Euro. De Papp bezillt dech (*leet t'Box op t'Ouwebenk*)
- Bopi Abee, dann iewerleeën ech mir et nach eng Kéier, wann dir et gären esou hätt.
- Eivchen (*jubelt*) Fein, da kucken mir eis t'Léiwen och nach eng Kéier un.
- Péiter Waat? Huet dir och Léiwen gesinn? (*zum Bopi*) Haas du da keng Angscht?
- Bopi Ech nët, mee t'Léiwen.
- Péiter Neen, daat gleewen ech der nun awer nët.
- Bopi Dach daat kanns du gleewen. Deng Fraa soutz dach niewent mir.
- Péiter (*laacht*) A sou, dorunner hun ech guer nët geduecht. – Lauschter emol Bopi, wëlls du haut de Mëtteg nët mat mir Keele spille goen?
- Bopi Neen. Dass t'Klatze rullen daat wees ech. An virwaat een Keelen emgeheit, wann de Keelebouf se dach erëm direkt opricht, liicht mir nët an. Ech bleiwen heiheim. Ech hun haut scho genuch Féidéieren gesin.
- Eivchen (*féiert de Bopi op t'Fautell*) Komm Bopi, setzt dech.
- Bopi Firwaat soll ech dann ëmmer sätzen? Well ech Grousspapp sin?
- Eivchen Neen, fir dass ech dir e richtege Kuss ka gin.
- Bopi Da sätzen ech mech awer ganz séier. Mee wofir kréien ech dann e Kuss?
- Eivchen Dofir, wëlls de am Zirkus esou lëschtteg waars (*Kësst en op de Bak*).

Bopi (*kichert*) Jo, daat war der e Mordsjux!
Péiter Waat huet dir dann am beschten gefall?
Bopi Dass deng besser Halschecht sech esou iwer mech geirgert huet. Du häss hirt Gesicht misse gesin, wéi ech op dem Elephant soutz. Sou muss den Herodes ausgesinn hun, wéi en t'Kanner schluechten geloss huet .(*laacht*) An durno deen Theater mat der Box. Wann ech nët grad eng Jick am Mond gehaat hätt, hätt hatt mech bestëmmt ganz ofgeschleckt.
Péiter Ech mengen du dees hir Onrecht, Bopi. Si haat bestëmmt Angscht du gengs fum Elephant eroffaalen an dech ouni Box erkaalen.
Bopi Neen, neen, dann mecht e keen Gesicht wéi en opgestopte Kueder, dem t'Hoer zu Bierg stin. Du wärs jo gleich selwer gesin, waat ech fir en Donnerwieder ze héieren kréien, wann ech hir firun t'Fisemine kommen.

8. Optrëtt

De Vireg- Gréit

Gréit (*am Schietech ganz frëndlech*) Aa de Bopi ass schon do (*geet mat offenen Aerm op en dur*) Wéi wann ech daat nët geaant hätt. (*Ermerbelt hien, dreckt hiere Bak u sein*) Hues bestëmmt schon ordentlech Honger, wéi? Gleich kënnt de Kaffi. Setzt de gudd op dengem Këssen? Hun ech extra fir dech aus mengem Bett geholl. (*Klappt ëm liebkosend op de Bak*) Et wärd dir scho gefaalen bei ons, Bopi. Eivchen, komm mat an t'Kichen, fir dass mer méi séier färdeg gin.
Bopi (*huet se riicht eweg ugekuckt, kuckt hier eng Sekund laang no, an dann zum Péiter*) Wien waar daat dann ?
Péiter (*laacht*) Ma kenns de dann meng Fra nët erëm?
Bopi Neen. Wou a wéini hues du si da reparéiere geloss?
Gréit (*streckt de Kapp zur Dir eran*) Bopi, waat wëlls de fir de Kaffi? Kuch oder Botterschmieren?
Bopi Schwengskapp!

Gust Sou ass et richtig. Nëmmen ëmmer soen, waats de gären hues *(of)*.

Bopi Waat ass dann an deng Fraa gefuer? Fun deer Seit kënnen ech se jo mol guer nët.

Péiter Waat soll schon an se gefuer sin? Guer neischt. Sie huet sech eben un dech gewinnt. Elo éinescht huet se mer nach gesoot daat se dech esou gudd brauche kéint.

Bopi Waat Saache, waat Saachen !

Péiter Wéisou waat Saachen, waat Saachen ! Sou e léiwen Mann wéi dech muss ee jo einfach gär hun.

Bopi An du, hues du mech dann och gär?

Péiter Hätt ech soss honnertdausend € fir dech bezuelt?

Bopi *(leet sech behaglech an t'Fautell)* Na, mir kann et jo recht sin. Nëmmen elo hun ech Duescht.

Péiter Soll ech der eppes ze drenke brengen?

Bopi Jo, awer nët fun der Pompel.

Péiter Neen, neen, aus dem Keller *(an der Dir)* roude Wein oder Miseler?

Bopi Fir t'éischt Miseler.

Péiter *(of)*

Bopi *(hëllt seng Peif aus dem Paltong, hiewt sech op, sicht an der Box no Fixfeier, fënnt dodranner e klengt Notizbuch)* Hei elei ?! Waat ass dann daat? Do huet een mir en Notizbuch an meng Boxentäsch gestach? *(Heen stecht Peif erëm an a liest)* „ Schlaubauer ist ein gemeiner Lump. Heut hat er den Bauern Tim, der sowieso nichts hat, mit einer Geiss angesch...*(bliedert ëm a liest firun)* ...issen. Schlaubauer ist ein schlechter Kerl, der seinen Namen nicht gestohlen hat. Jetzt hat er wieder dem Wirt beim Kartenspiel ein ganzes Fass Wein abgeschwindelt *(bliedert, liest)* „ Schlaubauer ist *(brecht of well de Péiter era kennt, stecht t'Buch séier an Täsch)*

Péiter *(mat Muselwein eran)* Sou Bopi elo läsch dein Duescht. Et ass Rulänner, eng gudd Zort.

Bopi *(nodeem en e kräftegen Schluck geholl huet)* Aa, dee léist sech drenken. Wou hues du den Wengschen dann hier?

Péiter Deen huet mein Bruder mir fir den Geburstdag geschenkt.

Bopi *(nippt um Wein)* Sou! sou! Mir schengt et de selwegte Wein ze sin deen een beim Wirt hei am Duerf kritt. Käft den sein Wein fun dengem Brudder?

Péiter Daat ass scho gudd méiglech. Ech hun hien nach nët durno gefrot.

Bopi *(streckt de Fou'ss fir)* Zéi mir t'Schung aus!

Péiter *(zeckt en Ament, zitt dem Bopi dann de Rietze Schung aus).*

Bopi *(streckt de lenken och vir)* deen aneren och.

Péiter *(mecht et).*

Bopi An t'Kummer domadden an meng Schlappen heihinner!

Péiter *(richt sech op a kuckt de Bopi nët grad frendlech un)* Wou stinn deng Schlappen dann?

Bopi Sich, du wärs se scho fannen.

Péiter *(steet onentschlossen, de Bleck op de Bopi gericht)*

Bopi Glotz mech nët esou domm un – fleiss dech!

Péiter *(dréit sech onsecher ëm)*

Bopi *(stéisst en mat dem Fouss virun)* Nu maach schon!

Péiter *(dréint sech rosen ëm, besennt sech, stëmmt en gezwongent Laachen un, wou de Bopi mathëlleft an geet mat de Schung riets fort).*

Bopi *(zitt Notizbuch erëm aus der Täsch)* „ So ein schlechter Dickkopf. Et haut der Eva in der Stube eine runter, weil sie den nicht heiraten will den ihr der Alte ausgesucht hat“ – Interessant! Do huet jo ee sech dem Bauer seng Sënnen opgeschriewen *(laacht, stecht t'Buch erëm séier ewech, well de Péiter kënnt).*

Péiter *(mat enger Schlapp eran)* Ech hun nëmmen eng fond. *(Geheit him se firun t'Féiss)*

Bopi A jo, et fällt mir elo grad an dass ech mat deer anerer no dem Hunn geheit hat, well den esou an engem Steck firun menger Fenster gekréit huet. Da muss déi nach am Haff leien.

Péiter *(mat sauerem Laachen)* Den Hunn?

Bopi Dee vleicht och – mee soo emol, Schlaubauer, wim seng Box hun ech dann eigentlech hei un?

Péiter Daat ass dem Kniecht seng, dem Gust. Passt se der nët?

Bopi Prima, esou gudd huet mir nach keng Box gepasst.

Péiter Ma dann haal se nëmmen, ech kaafen dann dem Gust eng aaner, wann daat him neischt ausmecht?

Bopi Waat bass du awer emol fir ë gudde Kärel. Ech soen dir och villmols merci an ech wärt dir och emol eng grouss Freed maachen.

Péiter Daat brauchst du guer nët, mir hun souwi'sou schon fu murges bis owes eis gëlleg Freed un dir.

Bopi Daat ass guer neischt. Mat mir wärts de nach Freed erliewen, dass et der kaal a waarem dë Bockel erafleeft.

Péiter (*frou*) Ass et wouer?

Bopi Schwätze mer elo nët méi dervun. Alles brauch seng Zeit.

Péiter (*hëllt dem Bopi seng Hand*) Ech mengen mir verstinn ons.

Bopi Ech dech ganz bestëmmt.

Péiter Ech dech och. An ech soen dir nëmmen eent, bei eis solls de mëll leien, sou laang wéi den Hergott dir t'Liewen schenkt – An elo gin ech der emol deng aner Schlapp sichen.

Bopi (*rufft ëm no*) Schlaubauer !

Péiter (*dréint sech an der Dir ëm*) Waat gelifft?

Bopi A wann ech emol net méi an dëser Fautell sëtzen, da leis du mëll.

Péiter (*wéinkt of a fort*)

Bopi Awer am Dreck, mei Beschten (*drenkt sein Glas aus*).

9. Optrëtt

Bopi, Eivchen

Eivchen (*mam Dëschelduch, daat et iwer den Dësch ausbreet*)
Elo ass et gleich esou weit, Bopi. (*iwer dem Schwetzen setzt et Telleren an Leffelen op den Dësch*)

Bopi Lues, lues, esou presséiert sin ech awer nët vir de Kaffi ze kréien.

Eivchen Des Kéier kriss du e ganz gudden. Deen hun ech selwer gekacht.

Bopi Du gëss mir eemol eng gudd Baierin, esou schengt et mer. Hues du da schon een begaachelt?

Eivchen Wann et dem Papp no geng goen, dann hätt ech scho laang een, Well et awer mir nogeet, hun ech nach keen.

Bopi Do hues de recht. Loss der keen opschwetzen deens de nët wëlls, a wann dei Papp och aus der Haut geng fueren. Eng op t'Ouer dauert nët esou laang wéi e muedebetzecht Bestiednes.- Wien soll et da sin?

Eivchen O, keen vun hei. Ech hun en mein Liewdag nach nët gesin. Hues du scho jee emol esou eppes héieren. Daat ass jo schlëmmer wéi bei den Siddiën.

Bopi Wärt wuel e reiche Bauer sin, mat engem oder mat zwéi Plattféiss?

Eivchen Daat hunn ech mer och geduecht. Nëmmen mein Papp schwetzt elo nët méi dofunner.

Bopi Vleicht sicht en een, mat nach méi enger grousser Mëscht virun er Dir.

Eivchen Daat ass méiglech. Mee wann e mer nët gefällt, kann hien en sech un den Hut spengelen.

Bopi Ass der dann nach keen iwer de Wee gelaaf, deen dein Herz méi séier schloe gedoen huet?

Eivchen Bis haut nach nët. Ma dee wärt scho kommen. A wann en dann eng Kéier virun met steet, dann huelen ech en a wann et en Zigeiner ass.

Bopi Mech hëlls du dann mat als Kannermod.

Eivchen Versteess du dann mat Kanner ëmzegoen

Bopi Op Kanner oppassen, ass dach kee Konschtsteck.

Eivchen E Kannermeedchen muss awer nach aner Saachen kenne, mei léiwe Bopi.

Bopi Weess ech, buede geng ech dir se och.

Eivchen Wees du dann domadde Bescheed?

Bopi Kloer. Wann t'Kand rout gött ass t'Waasser ze warm, wann et blo gött, ass et ze kaal.

Eivchen *(laacht)* O du, da bueden ech meng Kanner awer léiwer selwer.

Bopi *(steet op)* Eiv, ech gin elo e wéineg op meng Kummer.

Eivchen Mee de Kaffi kënnt dach geschwënn.

Bopi Mecht neischt, wann en op dem Dësch steet, da riffs de mech. Ech hun esou e schéint Buch ze liese, dass ech guer nët ofwaarde kann bis ech et gelies hun.
(geet fort)

Eivchen Waat ass daat fir e Buch?

Bopi En Draambuch.

Eivchen An daat ass esou schéin fir ze liesen.

Bopi Jo, wanns du daat liess, da mengs de du géifs
dreemen. *(of)*
Eivchen *(och of)*.

10.Optrëtt

Fritz- Eivchen

Fritz *(kënnt eran, mam Hut an dem Grapp a kuckt sech ëm)*
Eivchen *(séier mat Brout, Fleesch, Kuch. Bleiwt iwerrascht stoen, wann et de Fritz geseit)* Sichs de een bei eis?
Fritz Ech sin äre Kniecht, a verrieden deen bis mar den Owend, wann en fun der Hochzeit vun senger Schwester erëm kennt. De Bauer ass domadden averstanen.
Eivchen Sou? Heielei, dovunner weess ech jo nach neischt. *(Stellt alles op den Dësch)*.
Fritz Ech hätt eigentlech eréischt brauchen haut den Owend ze kommen. Nëmmen waat soll ech esou laang ufenken. Am Duerf hun ech mech ëmgekuckt a soss sinn ech nët firwetzeg.
Eivchen *(kuckt en mat sichtlechem Interessen)* Wéi heeschs du dann?
Fritz *(iwerrompelt)* Wéi ?
Eivchen Wéis de heechs?
Fritz *(denkt ugestrengt no, dann verleeen)* Mengs du daat geng mir elo afaalen.
Eivchen *(laacht)* So lauschter emol, du wärs dach nach wëssen wéiss du heeschs.
Fritz Henri heeschen ech. Gefällt dir deen Num?
Eivchen Joo, dee gefällt mer.
Fritz Ma da bleiwen mer derbei. An du heeschs Eva nët wouer?
Eivchen Wouhir wees du dann mein Num?
Fritz O, fum Aloys.
Eivchen Aloys? Wien ass dann daat?
Fritz Ma äre Kniecht fir deen ech hei sinn.
Eivchen Ma deen heescht dach Gust.
Fritz Stëmmt, de Gust. Et ass en aale Frend fu mir. Hien huet mir dein Num gesoot. An elo wär et mir léiw,

- wanns du mir e wéineg Arbecht gengs gin, fir dass Zeit vergeet.
- Eivchen Schaffen - Um Sonndeg?
- Fritz Sonndeg hin, Sonndeg hier, t'Kéi an t'Schwein warden och nët bis e Méindeg fir Drecker ze maachen.
- Eivchen Du bass mir e komesche Kniecht. Bis haut huet nach all Kniecht sech Sonndes lanscht t'Arbecht gedreckt, an ass, kaum de Lëffel aus dem Monn, op t'Rull gangen an eréicht Méindes erëm komm.
- Fritz Daat verstinn ech nët. Huet et hinnen dann nët leed gedoen, dass se dech esou laang nët gesin hun?
- Eivchen Wéi mengs de daat?
- Fritz Nu ja, wéi ech daat eben mengen. Wann ech Kniecht hei wär bléif ech ëmmer am Haus.
- Eivchen Bass du esou brav?
- Fritz Esou brav kennt ech gin – wann – nëmmen ech soen et elo léiwer nët.
- Eivchen Du darfs et roueg soen, well ech verstinn vill Spass.
- Fritz Wann – wann mir esou e léiwt Meedchen wéiss du mir all Dag esou schéin Aan geng maachen.
- Eivchen *(kuckt en laachendes Monds un)* Sou?
- Fritz Haut gin ech nët méi fort. Op iwerhapt e Meedchen frou ass, wann een et verléiwt bekuckt?
- Eivchen Wann dee richtegen et mecht – virwaat soll et sech nët freeën.
- Fritz *(verhaalen)* Soll ech dech och emol léiw ukucken?
- Eivchen *(laacht)* Probéier et dach emol.
- Fritz *(kuckt mat laachendem Mond an him seng Aan)* Wéi ass et dann elo?
- Eivchen *(seet neischt a rëselt t'Schëlleren)*

11.Optrëtt

Viréig, Péiter

- Péiter *(mat enger vollständeg zerfatztener Schlapp zum Fritz) Ah du bass schon erëm do (geheit t'Schlapp op t'Benk).*
- Eivchen T'Zeit ass em ze laang gin. Hie wëllt eng Arbecht.

Péiter Daat ass jo emol eppes ganz neies datt een sech op t'Arbecht freet. *(laacht)* Fu mir aus. Wanns du schon nët bis e Méindeg warde kanns, da géi alt an de Schapp a maach Holz kleng.

Fritz Gudd, maachen ech.

Péiter *(zum Eiv)* An du, maach dass de mat dem Kaffi erbei kenns. Du wëlls jo nach deng Tata Lisbeth besichen.

Eivchen Ech gin haut nët méi bei Tata Lisbeth. Ech bleiwen elo léiwer heiheim. *(Kuckt schei op de Fritz).*

Fritz *(schléit sech op t'Been an deet e Freedekreech – Eva fort)*

Péiter *(kuckt verwonnert op de Fritz)* Hues du se nët méi alleguer?

Fritz Ech sin esou frou dass ech Holz darf hae goen *(of)*.

Péiter *(rëselte de Kapp)* Nujee, esou Leit muss et och gin. Wovunner soll eiseraner soss liewen.

12.Optrëtt

Bopi, Péiter dann Eivchen

Bopi *(streckt de Kapp zur Dir eran)* Schlaubauer, bring mir de Schnaps. Et ass mir nët gudd.

Péiter *(während en aus enger Flesch séier erausschëtt)* Ja wéisou dann? Hues de zevill gies?

Bopi Neen – zevill – geliess.

Péiter *(bringt em t'Glas)* Daat soll een aale Mann och nët maachen.

Bopi *(nodeem en ausgedronk huet)* Ah – elo geet et mer erëm besser. Elo verdroen ech nach e puer Seiten. *(Speitz firun de Péiter)* Pfui Deiwel -----

Péiter *(opgeregt)* Waat ass daat doen dann!

Bopi Et ass nët schéin wann een aal gëtt *(wëllt fort)*

Péiter *(hëllt déi zerfatzte Schlapp vun der Benk)* Bopi, deng aner Schlapp huet sech och erëmfond. Den Hond hat se an der Këscht a ganz zerrappt.

Bopi *(geheit him déi aner Schlapp firun de Bauch)* Dann geff dem Hond des och nach, wann t'Schlappen him esou gudd schmaachen . – *(of)*.

Péiter *(mat verhalener Roserei)* Aalen Hanswurscht ! Nëmmen daat mecht neischt fir 2 Heiser kann een sech schon eppes gefaale lossen. *(of)* .

Eivchen *(mat engem groussen Teller Schwengskapp eran a rífft)* Bopi. De Schwengskapp steet um Dësch.

Bopi *(op de Strëmp eran)* Ass et da schon esou weit? Ma dann nëmmen drop, fir dass daat Schwein och weess firwaat et geschluecht ass gin.

Eivchen Ech muss dir awer fir t'éischt eppes soen Bopi.

Bopi Waat dann ?

Eivchen Ech soen dir et awer nëmmen ganz eleng an du darfs et kengem eremsoen.

Bopi Eraus domadden. Mech brengen keng siewe Pärder zou ëppes ze verroden.

Eivchen *(beckt sech bei sein Ouer)* Den Zigeiner ass do!

Bopi *(erschreckt)* Em Gottesbiddeswëllen, du wärs dach nët am Eescht an en Zigeinerwoon dech eran bestueden.

Eivchen Et ass keen richtegen Zigeiner. Mee villméi ass en och nët.

Bopi E Musikant?

Eivchen Neen, een einfache Bauerekniecht.

Bopi O Mamm, e Kniecht. Daat ass eigentlech neischt fir e gudd situéiert Bauremeedchen.

Eivchen Et ass awer e flotte jonge Borscht.

Bopi Wou hues de deen dann elo esou séier opgegabelt?

Eivchen Mei Papp huet en haut de Muren am Platz fun dem Gust geholl well de Gust op t'Hochzeit fun senger Schwester gefuer ass. Esou baal wéi e firu mer stung do hun ech gewosst : daat ass en. Du darfs awer kengem eppes dofunner erzielen.

Bopi Mengs de dann hie geng och scho brennen?

Eivchen Jo, an nët wéineg. Deen huet mech ugekuckt –

Bopi ---- wéi een e schéinen Apel ukuckt ir een drabeisst, ass et nët esou?

Eivchen Jo, esou war et.

Bopi Daat ass alles schéin a gudd. Mee e Kniecht! Vielleicht iwerlees du dir et nach eng Kéier. Wou ass en dann?

Eivchen E mecht Holz kleng.

Bopi Um Sonndeg? (*dréit sech fir fortzegoen*) Deen muss ech mir ukucken.

Eivchen (*hält en zreck*) Bopi, du kanns dach nët mat de Stremp iwer den Haff goen.

Bopi Da ruff en emol eran (*setzt sech an t'Fautel*) Ech wëll en gesin, an zwar direkt.

Eivchen Erziel mer awer dann, wéi en dir gefällt. (*geet an t'Dir a rífft*) Henri, du solls emol erankommen. (*kënnt eran*) Hien kënnt schon. (*zu der anerer Dir aus*) Do sin ech léiwer nët derbei (*of*).

13. Optrëtt

Bopi a Fritz

Fritz (*an den Hiemsärm eran*) Huet ee mech.... (*t'Wieder bleiwen him am Mond stiechen wéi en de Bopi geseit. Hie steet wéi ugeneelt an der Dir*).

Bopi (*sturkt op de Fritz, reiwt sech mat béiden Hänn t'Aan, kuckt erëm op de Fritz*) Ass da keen do, deen mech pëtzt?

Fritz (*haucht*) Bopi!

Bopi Aasou Fritz, du heechs elo Henri?

Fritz Nëmmen bis haut den owend (*séier*) Ech bieden dech Bopi, verroot mech nët. Mei Papp wëllt jo dat ech t'Eiv bestueden. Do sin ech heemlech heihinner gefuer kom, fir mir dat Mensch emol unzekucken.

Bopi Aasou du geess spëtzen. An och nach als Kniecht.

Fritz Majoo.

Bopi (*laacht*) Jongejonge, daat hues de awer brilliant gemacht!

Fritz Ech sin jo och dein Enkelkand. An duu? Du bass nët am Spidol?

Bopi Nach nët. Wann ech aawer mam Schlaubauer ofgerechent hun, da kann et sin dats de mech dann do fënns.

Fritz Wéisou daat dann? Waat ass dann nëmmen lass?

Bopi Neischt ass. Et gött eréischt ëppes.

Fritz Wéi kënns du dann iwerhaapt heihinner?

Bopi Daat gëss de och nach zezeit gewuer. Géi elo erëm un deng Aarbecht. Mir kënnen eis nët, verstaanen.

Fritz *(mat verhaalener Freed)* Bopi wann ech t'Eivchen kréien dann,ooo dann.

Bopi Dann hëlls de mech mat bei dech.

Fritz Gären. Mee du darfs mir awer dann keng Spiichte méi maachen.

Bopi Wann ech méi aal gin, da gin ech och nach méi verstënnlech.

Fritz *(of)*

14. Optrëtt

Bopi – Gréit- Péiter- Eivchen

Gréit *(mam Kaffisbiitz, hannendrun de Péiter mam Brout a mat neie Schlappen ënner dem Arm, zum Schluss Eivchen mat engem halwe Kranzkuch)* Bopi komm iessen *(stellt of)*.

Péiter Bass de schon gudd hongreg ? *(stellt of)*

Bopi Elo grad wollt ech kucke goen op den Hond nët e Steck fun mengen Schlappe rescht geloss hätt.

Eivchen *(a grousssem Bou laanscht de Bopi an heemlech)* Gefällt en dir?

Bopi *(och heemlech)* Mir nach besser wéi dir.

Gréit *(paakt de Bopi enner den Arm)* Komm Bopi, ech féieren dech bei den Dësch.

Bopi Géi mer ewech *(streckt t'Féiss an t'Lucht)* An de Socken gin ech nët bei den Dësch.

Péiter *(deet dem Bopi t'Schlappen un)* Do hues de gudd mëll Schung.

Bopi Sinn daat deng?

Péiter Neen, meng sin dir vill ze kleng.

Bopi An déi hei sinn mir fill ze grouss. Weem seng sin se dann ?

Péiter Menger Fraa hiir.

Bopi Kuck der emol un. Bei deer sinn t'Féiss nach méi grouss wéi t'Mondsteck?

Gréit Waat?

Bopi *Dreckt d'Gréit op t'Sait)* Géi mer ewech (*geet bei den Däsch*) Daat ass awer e schéine Schwengskapp (*késst t'Fleesch*).

Eivchen (*laacht*) Elo késst e schon de Schwengskapp!

Bopi Jo, well ech en zum Friesse gär hun (*setzt sech, déi aner och*).

Péiter Fir t'éischt ëss de de Schwengskapp an dann drenks de de Kaffi.

Gréit A mar kriss de Hinnercher.

Bopi (*huet sech iwer t'Fleesch hirmemaach*) Déi kanns de dir un den Hut spengelen.

Eivchen (*daat denen aneren anzwéschen Kaffi erausgeschott huet*) Ma Bopi, Hinnercher sin dach eppes guddes.

Bopi A watt! Vir e Schniewel, hannen e Schwanz, an dertëschent keng Panz. (*sprengt op a jeitzt fir t'Gréit*) An esou eppes wëlls du mir virsetzen.

Gréit (*rosen an ënnerdoen gemëscht*) Neen, neen, du kanns och eppes aneres kréien. Du brauchst eis nëmmen deng Wënsch matzedeele.

Bopi Mar wëll ech e Büffdeckel mat Zwiebelen – Awer keen deen ech eng hallef Stonn laang enner den Zwiebelen muss sichen.

Gréit Waats du méi ëss, waat mir méi frou sin.

Bopi Da wert der wuel nach fill Freed mat mir erliewen. Wéi ass daat dann mat dem Glas Wein? Muss ech dann nach extra drem biedelen?

Péiter Neen – neen – ech laafe schon (*hëllt daat eidelt Glas a fort*).

Bopi (*riff em no*) E fröscht Glas, an aus demselwege Faass, soss schléit et dreizeng.

Gréit (*mat méiséilecher Frenklechkeet*) So emol, Bopi, firwaat bass de dann haut esou onzefridden?

Bopi Ech onzefridden?

Gréit Gefällt et der nët bei eis?

Bopi O dach, een aale Mann muss sech mat allem ooffannen.

Gréit Wann mir emol eist eegent Haus hun, da solls du et nach besser an nach méi schéin kréien.

Bopi Aasou, daat heien Haus ass ert emol guer nët?

Gréit Mir hun et nëmmen gepacht, sou laang bis daat schéint Haus bei der Schoul verkaaff gëtt. Do kriss du eng Stuff, déi nach eng Kéier esou grouss ass wéi deng elo.

Bopi Brauch ech nët. Maach nëmmen, dass de méi eng grouss Spënnchen kriss.

Péiter *(mam Glas Wein eran)*

Bopi Endlech. *(hëllt t'Glas an drenkt)* Daat hat laang gedauert. Ech hu gemengt du gengs t'Drauwen eréischt plecke goen?

Péiter Ech hun t'Kellerdir nach misse zouspären.

Bopi Waat ? Elo spärs de se direkt erëm op. Esou laang wéi ech nach nët am Bett leien, soll t'Kellerdir opgespaart bleiwen.

Eivchen Du solls elo neischt méi drenken. Mir kennt et vir wéi wanns de schon ze vill gesippt häss.

Bopi E Bopi huet nie zevill gesippt *(dreckt de Fleeschsteller op t'Seit, drenkt ouni ofzesetzen, geheit dem Gréit de Rescht entgéint, setzt t'Glas erem ewesch a schenkt sech Kaffi an seng Taass)* An elo gëtt emol probéiert waats du hei fir e Schluutschen zesummegebraut hues.

Eivchen Mee Grousspapp! Ech hun dach de Kaffi gekacht. *(mecht Zocker an seng Taass).*

Bopi Ah jo, daat stëmmt *(richt de Kaffi)* Wann en esou gudd schmaacht, wéi e richt, da kritt dein Mann eng gudd Kächin. Wéini wëlls du dech da bestueden?

Péiter Daat huet nach Zeit.

Gréit Et verpasst jo neischt. E Meedchen, daat genug Goldfechs an der Täschen huet, kritt ëmmer e Mann.

Bopi Do hues de Recht. Et kann sech een eraus sichen wéi et him gefällt. A wann et schon en arme Kniecht wir.

Péiter *(ronzelt t'Stir)* Lues, lues, Sou ass et awer och nët. Hie muss awer schon eppes klengs hun. Geld wëllt bei t'Geld.

Bopi A wann et dann iwer en arme Kniecht wir?

Eivchen *(verstoppt mat Méi seng Onrou)* Ma haalt dach emol op mat deem Gespréich. Wesst der neischt méi Gescheites iwer Dësch?

Gréit Do brauche mir iwerhapt neischt ze färten. Den Gust kënnt nët a Froo an mat engem aneren kennt et nët zesummen.

Bopi Sou dann ass jo alles gudd *(fëllt seng Tass Kaffi, schneit e grousst Steck Kuch erof a leet daat iwer t'Tass a reecht daat dem Eivchen)* Eivchen bring dem Henri daat.

Eivchen *(sprengt op)* Ma gär Bopi *(mat dem Kaffi fort).*

Péiter Henri! Wien ass dan daat?
 Bopi Ma deen, deen am Schapp t'holz kleng mecht.
 Péiter Heescht deen Henri? Zu mir huet e gesoot e geng Batty heechen.
 Bopi Da wärt en vleicht Henri-Batty heeschen. Duebel Nimm sin dach modern!
 Gréit *(mat verhaalenem lenger)* Daat wär dach nët noutwendeg gewierscht fir dem Kniecht esou e grousst Steck Kuch ze gin.
 Bopi Schwetz nët. Wéis du jonk wars, do hues de och gefriess, wéi eng Kou.
 Gréit *(rosen)* Wéi rieds du mat mir?
 Péiter *(dreckt t'Gréit erem zreck, well et opgesprong war)* Scht, scht de Bopi ass haut gudd opgeluegt. Dann darfs du nët grad all Wuert op t'Goldwo leeën.
 Gréit *(Versicht ze grinsen)* Hues de schon Kuch giess, Bopi?
 Bopi Ech hun méi Appetit op t'Fleesch, awer nët op deint *(zum Péiter)*. En Zigar kenns du mir gin, alles muss ech dir virknaen, fir vum selwen drop ze kommen durfir bass de secher ze domm.
 Péiter *(hëllt Zigaren aus engem Tirang, deen opgespart ass gin, wëllt erem zouspären)*.
 Bopi Loss de Schlëssel stiechen *(Hëllt eng Zigar aus der Këscht, hält him t'Spetz virun de Mond)* Oofbeissen!
 Péiter *(beisst ee Steck eroof a stecht dem Bopi se an de Mond)*.
 Bopi Feier!
 Péiter *(gëtt him Feier)*
 Bopi *(pafft)* Sou an elo wëll ech emol gär wëssen wiewill Täschengeld ech kréien.
 Gréit Wéi ?
 Bopi *(zum Péiter)* Oder wëlls du mir keent gin?
 Péiter *(beflass)* Ma gewëss dach!
 Bopi Ech denken mat 100 Euro t'Woch kommen ech aus.
 Gréit Em Goddesbiddeswëllen, wofir brauchst du dann esou vill Geld.
 Bopi Bei deem Kascht hei muss ech zousätzlech eppes kaafen *(hält t'Hand op)* Du kanns mir t'Täschengeld och schon elo gin fir t'gantz Joer.
 Péiter *(zitt de Portmonni mat sauerem Gesicht)* Sou vill hun ech nët am Haus. *(gëtt him 100 Euro)* Hei hues de

emol honnert Euro. Daat annert kriss de dann all Mound.

Bopi *(stecht se an t'Täsch a leet sech gemitlech dohinner)*
Elo gefällt et mir schon fir 100 Euro besser bei iech.

Gréit Sou ass et richtig. An et wärt dir och nach ëmmer besser bei eis gefaalen. Mir wärten esou gudd zu dir sin, dass du mengs du wiers schon am Himmel.

Bopi Dann darfs de mer awer nët ëmmer virun der Nues erëm danzen, soss glewen ech mei Liewdaag nët drun. Am grouse ganze sin ech jo mat iech zefridden – besonnesch mam E'iv *(zum Péiter)* An och mat dir. *(zum Gréit)* Nëmmen un dir hun ech nët déi richtig Freed. Fun dass ech dech kenne, dreemen ech Nuets ëmmer vum Deiwel. Wann daat nët anescht gëtt, da lossen ech mech vum Knubbelbauer erëm kaafen.

Péiter Daat kënnt nët a Frou. Ech gin dech nët méi hiir. A wou soll de Knubbelbauer schon 100.000 Euro hier huelen.

Bopi Du muss mech schon fir den halwe Preis verkaafen, well ee gebrauchte Bopi ass ëmmerhin méi bëlleg wéi een neien.

Gréit Neen, neen, - mir lossen dech nët goen. Grousspapp mierks du da nët wéi gär ech dech hun?

Bopi Jo, awer nach nët laang. Hoffentlech ass deng Léiwt fun Dauer. *(direkt zum Gréit)*. Kraatz mir de Bockel *(beckt sech no vir)*.

Gréit *(fiirt mat der Hand töschend Hiem a Rëck a kraatz)*.

Bopi Méi no lenks – an e beschen méi zärtlech – sou ophalen elo! Setz dech. *(t' Gréit setzt sech)*

Péiter *(laacht)* Ech kann mech nëmmen wonneren, wéi meng Aal op eemol paréiert.

Bopi Daat ass emol eng aner Gei, geseis de?

Eivchen *(mat eidler Tass eran)* Den Henri bedankt sech och villmols.

Péiter Batty heescht en.

Bopi Henri-Batty huet en gesoot.

Eivchen Huet en zwéi Nim? Daat ass praktesch. Wann seng Fraa dann emol mam Henri béiss ass, da kann se dem Batty nach ëmmer ë Kuss gin.

Bopi Huet de Kaffi him geschmaacht?

Eivchen Joo.

Bopi *(schëtt t'Tass déi t'E'iv nach am Grap huet voll Kaffi, leet ee Steck Kuch derbei)* Ma dann dro him emol

nach eng Kéier déi selwegt Portioun. (*Eivchen laacht a fort*).

Gréit (*rifft ëm no*) Komm awer direkt erëm.

Bopi (*drechen*) Do solls de Mond haalen.

Gréit (*rosen an t'Lucht*) Waat?

Bopi (*roueg*) Hues de iiren eppes gesot?

Gréit (*setzt sech*) Neen.

Bopi Dann hun ech mech verhéiert. An ech muss iech nach eppes soen. Wann dir gudd zu mir sitt, dann wärt ech iech och nët vergiessen.

Gréit a Péiter zes. (*frou*)

Bestëmmt nët?

Bopi A wann ech emol nët méi sin -----

Péiter (*mecht geréiert*) Schwätze mer nët doofun Bopi, soss komme mir t'Tréinen.

Gréit Eiser Herrgott wärt dech nach laang lieve lossen.

Péiter An wanns du emol nët méi bass, da wärte mir dech och eist ganzt Liewelaang nët vergiessen.

Bopi (*kuckt en mat leschtegen Aan*) Do kanns du recht hun.

Péiter (*virsihteg*) Wees de Bopi – mir wëllten gär een Undenken un dech hun, a wann et neischt aneres wir wéi dein Hut oder dein Paltong.

Bopi Daat kanns de kréien. A meng Peif och, meng Box, meng Schung – mein Hiem muss ech unhaalen, dass et mir nët kaal gött – jo an soss hun ech weider neischt.

Péiter (*nëmmen esou*) Du schreiws an dein Testament „Alles was mir gehört bekommt Schlaubauer“ .

Bopi (*laacht hart*) Séif dach verstänneg, ech hun dach neischt, firwaat soll ech dann en Testament maachen (*steet op a sëtzt sech an t'Fautell*).

Gréit (*mirkt ëm waat et geet*) Ma mengs du dann vleischt deng Saachen an deng Wäsch wir neischt?

Péiter Fir irgendeenaner hun deng Klamotten vleischt kee Wert, fir eis awer ganz vill, well se eben fun dir sin.

Bopi Ech verstinn. Sou wéi een sech fum éischte Kand t'Schung versuergt, esou wëll dir meng lescht Box versuergen.

Gréit Jo, genau esou ass et.

Bopi Déi Freed kann ech iech maachen. Mee dofir brauch een dach keen Testament.

Péiter Dach, dach, soss hëllt de Knubbelbauer eis alles ewech a mir hätten dach gär ----

Bopi Ech wees schon – dir gengt nach gären meng Box emärbelen, wann ech emol nèt méi do sin. Gudd, da maachen ech eben en Testament.

Péiter a Gréit (*mat verhaalenem Triumph*)
Joo?

Péiter An esou wéi ech gesoot hun?

Bopi Sou wéiss du gesoot hues.

Gréit Daat ass ee Wuert.

Bopi Zerresse kann ech et ëmmer nach, wann dir lech nèt gudd opféiert.

Gréit Dofir wärs de keen Grond hun. Bopi, haut hues du eis eng grouss Freed gemaach. (*geet mat offenen Aerm op en dur*) Dofir muss ech dir -----

Bopi (*streckt seng Féiss entgéint*) Em Gottesbiddeswëllen, beileiwen kee Kuss, soss kanns du haut schon t'lewschaft untrieden (*leet sech gemitlech zreck*)
An elo wëllt ech fillen dass et haut Sonndeg ass (*Hëllt seng Peif erem stecht se an de Mond a kommandéiert*)
Feier.
(*zum Gréit*) Eng Benkelchen. (*andem de Péiter him Feier gëtt an t'Gréit him Benkelchen dohinner setzt patscht hien deck Wolleken*).
(*zum Péiter*) Erwösch der e Stull a liess mir aus der Zeitung vir.
(*Péiter hëllt t'Zeitung, reckelt de Stull bei de Bopi a mecht sech färdeg vir virzeliesen*).
(*Zum Gréit*) An du setzt dech dohinner. (*Gréit hëllt an zwousch anescht Platz. De Bopi gëtt dem Péiter eng lues op de Baak a seet*) Da schéiss lass ! Wourobber warts du nach?

Péiter (*liest nèt ganz geleeft*) „Der neue Finanzplan“.

Bopi (*reisst dem Péiter t'Zeitung aus der Hand an heet him se licht op de Kapp*) Ass daat fir Sonndes? (*Reecht him t'Zeitung erëm*) „ Gerichtssaal“ liess mir daat.

Péiter (*liest*) „ Abgefeimte Gauner am Werk“.

Bopi Geseis de daat passt scho besser fir dësen Daag.

Gréit A virwaat soll ech dann hei setzen?

Bopi (*geheit eng Schlapp ewech, deet t'Strëmp aus mat engem groussen Lach, geheit dem Gréit se an de Schouss*) Du kanns mir alt an deer Zeit meng Socken flecken.

Gréit (*hëllt de Bitzkuerf an mecht sech un t'Arbecht*).

15. Optrëtt

Vireg – Fritz, dann Hannes a Ketty

- Fritz *(mat eideler Tass eran)* Villmols merci fir de Kaffi an de Kuch *(stellt Tass op den Dësch e bekuckt sech déi aner schmunzelnd)*.
- Bopi *(mecht eng deck Wolleg)* Hein, waat sees de dann elo Heng? Méi schéi kann e Keeser et nët kréien.
- Gréit Wou ass dan t'Eiv?
- Fritz Daat hëlleft mir am Schapp.
- Gréit Daat gött et nët *(wëllt opsprangen)*
- Bopi *(leet sein Been quiesch iwer hire Schouss)*
Heigebliwen, virumaachen! Daat misst den Knubbelbauer gesin, waat ech fir e Liewen hei féieren.
- Hannes *(Mam Hut a mat dem Paltong eran)*
Wunnt hei vleicht ee gewësse Schlaubauer ?
- Bopi *(jeitzt hart)* Do ass e joo!
- Hannes *(sturkt de Fritz un)* Waat mechs du dann hei?
- Fritz *(verleeën)* Klengholz.
- Hannes Déi ass nët schlecht. Elo feelt nach t'Ketty, dann wäeren mir all erëm beieaner.
- Ketty *(mat der Valise eran)*
- Fritz an Hannes *(perplex)*
- Ketty *(léist fu Schreck t'Valise faalen wéi et de Bopi an déi aner geseit)* Eng schlamm Kou soll mech trieden, sinn ech elo beim Knubbel – oder beim Schlaubauer?
- Bopi *(jeitzt entsetzt)* Waat wëlls du dann hei?
- Ketty Ech sin déi nei Mood beim Schlaubauer.
- Bopi *(fällt zreck an seng Fautell)* Elo feelt mir neischt méi fir mei Glück.

R i d e a u

III AKT

Deekor wéi am zweeten Akt. En Daag méi spéit

1. Optrétt.

- Bopi (*sëtzt an der Fautell, liest am Gust sengem Notizbuch*)
„Schlaubauer ist ein gemeiner Dieb. Heute Nacht hat er des Nachbarn Birnbaum geplündert. Ich habe es gesehen „. – Daat gött jo ëmmer méi interessant.
(*liest*) „Heute hat er wieder einen Hasen mitgebracht, der noch die Schlinge um den Hals hatte. Das ist in diesem Monat schon der vierte. Einer davon war ein Kater. Elendiger Lump.
- Fritz (*kuckt mam Kapp zur Dir eran*)
Bopi (*stecht t'Buch an t'Täsch*) Komm eran, de Schlaubauer ass nët do.
- Fritz (*virsihteg eran*) Wou ass en dann?
Bopi (*weist mam Kapp op déi aner Dir*) Hien huet sech mat dengem Papp agespaart.
- Fritz Ou, agespaart, da müssen déi zwéin jo eppes Wichteges ze berieden hun.
- Bopi Et geseit ganz derno aus.
Fritz Wann mein Papp him nëmme nët verréit wien ech sin.
- Bopi Du brauchst nët ze färten. Ech hun dengem Papp verzielt wuefir dass du hei bass an duerfir wärt e schon de Mond haalen.
- Fritz T'Ketty huet mir och versprach, neischt ze verrooden. Hat wéist nëmme gär wéiss du bei de Schlaubauer komm bass.
- Bopi So zu him, well ech nët ouni hat liewe kënnt.
Fritz A firwaat bass du dann wirklech hei a nët bei eis doheem?
- Bopi Fun do ass et ze weit fir dem Schlaubauer an t'Zopp ze speitzen.
- Fritz Daat verstinn ech nët. Nëmme daat mecht neischt, well ganz laang dauert dee Komméidi dach nët méi.

Bopi A sou – bass du schon esou weit?
 Fritz T'Zeit gött mir schon ze laang.
 Bopi An dem E'iv?
 Fritz Him och.
 Bopi Wouhir weess du daat dann?
 Fritz De Kaffi deen hat mir gëschter bruecht huet, war esou séiss. A wéi ech et ermärbelt hun, do huet et sech nët gewiert.
 Bopi Ma duu gees jo drop wéi Blücher. Wanns du esou firu mechs, da sin ech bestëmmt schon haut den Owend Ugrousspapp.

2.Optrëtt

Viireg – Eivchen

Eivchen *(eran mat engem Apel an der Hand)* Henri, wëlls du een Apel? *(hält him den Apel dohinner)*
 Bopi Eva mit den Apfel – wéi am Paradeis ! Beiss nëmnen dran, Adam, ech kucken nët *(Hëllt e grousst Duch, am beschten e Kaffieswiermer an geheit sech deen iwer de Kapp).*
 Eivchen *(kuckt verwonnert vun engem op deen aaneren)* Mee, waat ...
 Fritz *(reisst et u sech a kësst et)*
 Eivchen *(iwerdeem de Fritz et kësst)* A waat mechs de dann ?
 Fritz Aale Leid soll een ëmmer follegen *(kësst nach ëmmer virun).*
 Bopi *(klappt an t'Hänn)* Viru maachen, viru maachen!
 Fritz *(hält t' Eivchen un sech gedreckt a seet lues)* Eivchen!
 Eivchen *(gerad esou)* Henri!
 Bopi *(ënner dem Kaffiswiermer)* Méi hart, ech héieren neischt.
 Fritz Eivchen, ech weess nët wéi alles komm ass.
 Eivchen *(lues)* Ech och nët
 Fritz Wéi ech dech gesinn hun, do hun ech gewosst, mir zwéin gehéieren zesummen.
 Eivchen Ech och, Henri

Fritz *(léisst et lass)* Och, wou ech nëmmen en einfachen Kniecht sin?
Eivchen Daat mecht neischt, Henri. Ech hun eng Paan voll grenger Hierken och léiwer wéi e Goldfësch deen ech nët iesse kann.

3. Optrëtt

De Viirech, Péiter, Hannes

Péiter *(rosen eran, hannendrun Hannes)* An ech soen neen, an nach emol neen. *(kuckt erstaunt op de Bopi an hëllt him de Kaffiswiermer fum Kapp)* Waat mechs du dann mat der Kaffiskluck um Kapp?
Bopi Déi hun ech mir opgesaat fir dass t'Mecken nët esou sollen un mech goen.
Fritz *(zum Péiter)* Bauer, ech hun nach eppes mat dir ze besprieche.
Péiter Haut nët, mat mir ass schon villzefill besprach gin.
Bopi Fir daat wat den Heng dir ze soen huet, wärs de wuel nach Zeit hun oder nët?
Péiter Gewess jo, natirlech.
Fritz Ech kommen herno dann nach eng Kéier eran (*wëllt fortgoen*).
Bopi Wuer gees de dann hin?
Fritz Op de Schapp, ech muss nach Stréi erofhuelen (*fort*)
Bopi Daat ass gudd gemaach (*no kurzer Paus*) Eivchen, géi mat him an hëllef him. Eivchen (*fort*)
Péiter Dass du dech nët ennersteess mat op t'Gënn ze klammen.
Bopi Waat wëlls de?
Péiter Neischt, d'ass scho gudd.
Bopi Dann haal och de Mond (*steet op, geet bei t'Dir a seet zum Péiter*) Wann een no mir freet, da so ech geng ënnen op der Leeder setzen fir op d'Gënn. (*of*)
Péiter *(zum Hannes)* Op waat warts du dann nach?
Hannes Ech wëll nët an Onfridden fun dir fort goen. Du haas mech gëschter ënner Dag geholl a mech bekeschtegt an ech wëll mech am Gudden mat dir eenegen. Déi

Geschicht muss een Enn kréien, soss hätt ech mir déi Souen fir heihinner spuere kënnen.

Péiter Mir hun eis jo schon ausgeschwaat.

Hannes Du wëlls mir also de Bopi nët erëmgin?

Péiter Neen, daat kann ech deem aale Mann dach nët zoumudden. Et wär sein Doud wann hien fun hei fortmisst.

Hannes A wann ech dir 1000 Euro weider geng gin, wéis du mir gin hues?

Péiter Och dann nët, wéi oft soll ech dir daat dann nach soen. De Bopi ass mir helleg. Do gött et keen Eremkaafen.

Hannes Schlaubauer. Mein Gewëssen léisst mir keng Rou! Denk dach emol driwer no. Ech hun mein Grousspapp verkaaft. Wéiss du mat him fort wars, du hun ech mir daat emol richteg durch de Kapp goe losst. Ech fille mech nët wuel, wann ech doheem déi eidel Fautel gesin. Schlaubauer ech soen der richteraus wéi et ass. Ouni de Bopi kann ech einfach nët liewen.

Péiter Ech och nët. Meng Fra geng sech ëmbrengen, wann ech en erëm geng gin. Kuck emol dorëmmer, vleicht fënds du irgendwou anerwärts een.

Hannes Schlaubauer, loss dach mat dir schwätzen. Ech gin dir nach zwee Firkelen derbei.

Péiter E Firkel ass laang kee Bopi.

Hannes Ass daat dein lescht Wuert?

Péiter Jo, an domat basta!

Hannes *(rosen)* Gudd, da komme mir op T'Gericht. Deen Handel göllt nët. Daat gött et op der ganzer Welt nët, dass een sein Grousspapp verkeeft. Et steet an de Mënscherechter dat mat Bopien nët gehandelt darf gin, an drei Méint am Duckes sin dir gewëss.

Péiter Daat ass méiglech. Mee da gin mir awer zesummen dohinner.

Hannes Daat mescht neischt. Fir zwee Heiser setzen ech och nach 4 Méint.

Péiter Ah sou. Vun do kennt de Wand.

Hannes Joo, fun du kënnt de Wand, du Erzgauner. Du wëlls mir t'lerwschaft vum Bopi ofschwindelen, ass et nët esou?

Péiter Ech, ech wosst emol nët, dass en zwee Heiser hätt. Daat do ass daat éischt waat ech héieren.

Hannes Léi dach nët! Duefir wars du esou presséiert fir mein Fritz mat dengem Meedchen ze verkoppelen, wells du wo'sst dass de Fritz ee fréie Muergen déi zwee Heiser irwt. A wéi daat Esseg war, do hues de mir de Bopi ofgegotzelt.

Péiter Knubbelbauer, elo maach awer e Punkt. Soss fueren ech mat der. Wouhir weess du elo op eemol, dass de Bopi zwee Heiser huet?

Hannes Ech weess et schon zwéin Deeg. A wouhir ech et weess daat geet dech en aalen Dreck un.

Péiter A wann en dann elo wirklech déi zwéin Heiser hätt – wou steet dann geschriwen dass ech se geng ierwen?

Hannes Do wärt deng Fra schon derfir suergen. Nëmmen ech sin och nach do. An elo froen ech dech nach eng Kéier. Gëss de mir hien freiwëlleg eraus oder nët?

Péiter Ech hun der en boer bezuehlt. Hien ass mein a bleiwt hei.

Hannes *(kuckt op t'Dir)* An enger halwer Stonn geet mein Zug. Sou laang sin ech nach an der Wirtschaft, op deer anerer Seit, an bis dohinner kanns de dir t'Saach nach iwerleeën.

Péiter Wanns du dorobber warts, da sätz de nach maar do.

Hannes An du iwermuer am Kittchen.

Péiter An du niewen drun.

Hannes Elo geet et mir awer dur *(fort)*

Péiter Esou eng Lomp. Esou een Halsofsneider *(leeft durch t'Stuff)*.

4.Optrëtt

Péiter- Fritz- dann Eivchen

Fritz *(kënnt eran an huet Stréihällem an den Hoer an um Paltong)* Ech hun gesinn dass de Knubbelbauer fortgangen ass, kann ech elo mat dir schwetzen?

Peter *(bröllt en un)* Waat wells de dann? Komm mer scho schmalzbiedelen. Méi Geld wéi dem Gust kann ech der nët gin, daat soen ech der schon am viraus.

Fritz Ech wëll kee Geld vun dir hun.

Péiter Dajee hopp, da schwetz!

Fritz Ech wëll vill méi fun dir ewéi Souen.

Péiter *(kuckt en misstrauesch un)* Waat seess de?

Fritz Ech wëll eppes vun dir hun, waat mat Geld iwerhapt nët ze bezuelen ass.

Péiter Daat kann nëmme mein Gréit sin.

Fritz Baal geroden, Bauer!

Péiter *(kuckt e grouss un. No enger Paus onsecher)* Waat seess de?

Fritz Ech bieden dech fir mer t'Eivchen als Fraa ze gin.

Péiter *(sturkt de Fritz sprachlos un a fänkt dann un ze laachen)* Daat ass dee bëschte Witz deen ech a mengem Liewen héieren hun.

Fritz Daat ass kee Witz – daat ass Escht, géff mir dein E'iv als Fra.

Péiter *(roueg)* So emol, ass dir gëschter am Schapp e Knëppel widder d'Klatz gefuer? *(Brecht lass)* Waat denks du dir dann? En hirgelaafene hondsfriemen Kniecht wëllt mein Meedchen zur Fraa. Dass ech mir kee laachen! Hahahahahahaha.....!

Fritz Op Ues, Kniecht oder Bauer, fir jiddereen huet eiser Herrgott e wéineg Glëck bereet.

Péiter Waat geet mech dein Glëck un? Ass daat Glëck wanns du mein E'iv kriss? Fir dech jo, daat gleewt de Pätter.

Fritz Fir t'E'iv och.

Péiter Natirlech – hat huet nëmme nach op dech gewaart.

Fritz Fro et dach *(sprengt zur Dir aus)* E'iv komm emol eran!

Eivchen *(eran)*

Péiter *(zum Eivchen)* Eivchen, waat wärts du elo Aan maachen. Dee Kadett do seet

Fritz *(ennerbrecht en)* Loss mech schwetze Bauer *(zum Eivchen)* Eivchen géff mir e Kuss.

Eivchen *(kësst de Fritz)*

Péiter *(ass sprachlos)*

Fritz Daat do geet net duur. Dei Papp muss richteg spieren, wéi gärs du mech hues.

Eivchen *(leet béid Aerm ëm de Fritz a kësst en laang)*

Péiter *(reisst Eivchen ewech)* Ausenaner, soen ech. *(Weist dem Fritz t'Dir)* Raus! Op der Plaatz eraus!

Fritz Geseis de, ween elo t'Aan meeht? Du oder t'Eivchen.

Péiter *(bröllt)* Raus hun ech gesoot! Elo setzt de dech direkt op dein raschtegen Töff a firs dohinner wous de hier komm bass. Direkt, soen ech, ir ech mech vergiessen.

Fritz Du wëlls mir also t'Eivchen nët gin?

Péiter Neen, honnerttausendmol an nach eng Kéier neen.

Fritz Daat mescht neischt. Ech hun dech jo och nëmmen gefrôt, well de Brauch daat verlaangt. Et ass awer och am Moud dass wann zwee déi sech gären hun sech bestueden och wann de Papp honnerttausendmol neen an nach eng Kéier neen seet.

Péiter *(rosen)* Wëlls de wuel verschwannen oder nët?

Fritz *(scho bei der Dir)* Gudd! Ech gin, kommen awer geschwënn erëm. Bis geschwënn Schwéierpapp! *(fort)*

Péiter *(zum Eivchen)* So emol, waat geet dech eigentlech un? Et ass eng Schaan, wann d'Leit daat gewuer gin! Mein Meedchen an e hiergelaafene Kniecht. Schums du dech da guer nët?

Eivchen Neen. Nët déi Boun. Ech hun e gär an duerfir brauch een sech dach nach glaad a guer nët ze schummen.

Péiter *(ziddert)* An ech soen dir

Eivchen *(ennerbrecht)* En Aableck, Papp. Loss mech vir t'éischt erausgoen, da kanns de weider bröllen. Et kann een dech jo souwi'sou bis an de Keller héieren *(of an t'Kummer)*.

5.Optrëtt

Péiter- Gréit, dann Fritz a Bopi

Gréit *(eran)* Em Gotteswëllen, Mann, waat brölls de dann esou ?

Péiter Do soll een nët bröllen, wann deen onverschimte Kniecht eist Meedche bestuede wëll.

Gréit Waat sees de?

Péiter Elo grad hun ech de Batty virun t'Dir gesaat, well en eppes mat eisem Eivchen huet – an fir dass de et weess, hat huet och eppes mat him.

Gréit Eist Eivchen mam Batty *(setzt sech op de Stull)* Do muss ech mech awer setzen.

Péiter Mee deem hun ech es gin. Dee kennt mir esou baal nët méi banner eis Dir.

Fritz *(eran)* Sou, do sin ech schon erëm.

Bopi *(ass mam Fritz komm)* An ech och. Wann ech gewosst hätt dass hei eng Klepperei am Gang wier, da wär ech schon éischer komm.

Péiter *(zum Fritz)* Hunn ech der nët t'Dir verbueden? Maach dass du eraus këns.

Gréit An daat e besse séier, soss kriss de och nach mat mir ze din. Viru mir sinn schon anerer fortgelaaf wéiss du.

Bopi Daat gleewen ech dir gär. Mee, deen doo, dee wärts de nët esou séier vum Haff joen – *(zum Péiter)* an du och nët.

Péiter Ma du wärts en direkt selwer fortjoen, wanns de emol weess, dass hien hanner eisem Eivchen hier ass. Waat sees de dann elo?

Bopi *(klappt dem Fritz op t'Schëlleren)* Daat hues de fein gemaach. Setz dech *(dreckt de Fritz op t'Benk)*

Péiter An zerkësst huet en et – Virun mengen eegenen An.

Gréit A bestuede well hien et! E Kniecht eist Evchen!

Péiter *(zum Fritz)* Ech soen dir elo vir t'Lechtemol, verschwann aus mengen Aan, wanns du nach gären mat all dengen Schanken ganz heem kéimms.

Bopi Schlaubauer, elo hun ech awer laang genug nogelauschtert. Wanns du him nach eng Kéier t'Haus verbidts, dann ass et awer aus mat eiser Frëndschaft. Hues de mech verstaanen?

Gréit Ech verstinn nët Bopi, wéiss du dech fir esou en hondsfrieme Kniecht kenns asetzen?

Bopi Wanns du dein Mond opdees, da kennt eng Dommheet. Zenter wéini ass dann en Enkelkind en hondsfrieme Kniecht fir de Bopi.

Péiter Enkelkand? Wou ass dann en Enkelkand fun dir?

Bopi *(weist op de Fritz)* Ma do steet et.

Gréit Daat ass -----

Bopi ----- mein Enkelkand, jo!

Péiter De Batty?

Bopi Nët de Batty, mee den Henri.

Gréit Elo kommen ech neet méi no. Wien ass dann dën Henri?

Bopi Ma de Batty. De Batty ass den Henri an deen heescht Fritz. An elo geng ech dee gäre gesin, deen sech ennersteed mein Enkel aus dem Haus ze geheien.

Péiter Wann en dein Enkelkand ass, dann muss e jo dem Knubbelbauer sein Bouf sin.

Fritz Daat sin ech och. Ech hun mech als Kniecht ausgin, fir mer t'Eivchen emol méi no unzekucken. Ech hätt et jo scho solle bestueden ir ech et emol kannt hun. Elo können ech et an ech wëll keen anert méi.

Gréit Bass du dem Knubbelbauer sein Bouf?

Péiter De Fritz ?

Bopi Wéi ass et Schlaubauer, wëlls du him dann elo dein E'iv gin?

Péiter Daat kann ech nët Bopi.

Bopi A firwaat kanns du daat dann nët?

Péiter Riecht eraus geschwaat. Well dem Knubbelbauer sein Bouf och nët vill weider ass wéi en arme Knicht.

Fritz *(sprengt op)* Ech irwen emol den Haf.

Péiter Jo, awer den Haf, wou emol keng Zill um Dag méi dem Knubbelbauer seng ass.

Fritz Daat hues de vidrun och scho gewosst, an trotzdem soll ech dein E'iv onbedingt bestueden.

Péiter Virdrun ass nët elo.

Bopi Du gëss him also dein Eivchen nët?

Gréit Sief dach verstenneg, du muss dach agestoen -----

Péiter Mir kennen eist Kand dach nët an t'Onglëck laafe lossen.

Bopi Du gëss him elo dein Eivchen nët?

Péiter Neen.

Bopi Well hien der ze wéineg ass, wéi? Well en nët grad esou en Halsofsneider, esou en Filou ass wéiss du? Well en nach keng arm Fraa ëm déi lescht Kou bruecht huet, a well ën dir t'Leeder nët ugehaalen huet, wéiss du dem Noper seng Biren an der Nuecht gestibitzt hues. Seess de elo nach ëmmer neen?

Péiter *(huet verblüfft nogelauschtert)* Em Gotteswëllen Bopi, wéi kanns du esou eppes soen? Et ass jo alles guer nët wouer.

Bopi Ass et dann och nët wouer, dass de an desem Mound schon drei Huesen an e Kueder an der Schleng gefangen hues?

Gréit *(ängstlesch)* Ech bieden dech Bopi, jeitzt nët esou! Et héiert een dech jo bis op déi aner Seit vun der Stross.

Bopi *(méi hart)* An et ass och secher nët wouer, dass du dem Wirt beim Kartespill e ganzt Fass Wein ofgeschwindelt hues? An du krommen Hond wëlls och

nach soen de Fritz wir dir ze wéineg wärt? Wëlls de elo jo soen oder muss ech dir nach a pur vun dengen Gaunereien erzielen.

Péiter *(verleeren)* Neen neen, et geet elo duer. Mir kennen jo nach iwer déi Saach schwetzen.

Bopi Geschwaat hun mer scho genug.

Fritz Ech wëll nëmme wëssen obs du jo oder neen seess.

Péiter Waat mings duu Gréit?

Gréit *(ee Wuert nom aneren)* Ech? – ech – ech mengen – de Batty wier nach der Schlechtesten keen.

Fritz Fritz heechen ech.

Péiter Daat hun ech jo ëmmer gesôt. Nëmmen t'Eivchen wollt de Fritz jo nët.

Bopi Awer elo wëllt hat en. An vun elo un sin déi zwéin esou gudd wéi verlobt. Huet der mech verstaanen?

Péiter Dajee alt, wanns du et esou wëlls hun.

Gréit Du weess jo Bopi, mir maachen dir alles zu léiw.

Bopi Wéi ass et Fritz. Bass du dann elo endlech zefridde mat mir?

Fritz Daat war de schéinste Streech deens du jee gemaach hues.

Bopi Daat kanns de nët wëssen. Vleicht fällt mir nach eppes Besseres an.

Fritz Wéi ass daat esou schéin. Ech weess fu Freed nët waat ech soll maachen.

Bopi *(weist op t'Dir wou t'Eiv ass)* Ma da maach dech do eran. Do fenns de een, deen der et scho seet *(dreckt de Fritz an)*.

Péiter *(virsichtig)* Awer nët wouer Bopi, daat mat mengen Sënnen, domadden gees du awer nët feel?

Bopi Wann keng nei méi dobei kommen, wëll ech déi aal vergiessen.

Gréit *(tuddelt)* All, all Mënsch mecht emol eng Dommheet.

Bopi Jo eng! Awer nët direkt e ganzt Buch voll, daat ass e beschen ze vill. *(wenkt of)* Nemmen lossen mer nët méi dofunner schwetzen.

Péiter Bopi, du bass een Engel.

Gréit Wann et keng Sënn wir, da geng ech soen, du wärs eiser Herrgott selwer.

Bopi Loss den Herrgott aus dem Spill. Dee muss schon all Kéier wanns du hien uriffs e Buff drenken *(geet op t'Dir bei t'Eivchen zou)*.

Péiter Nemmen daat eent muss du mir nach soen Bopi, wous du dann all meng eh meng Dommheeten gewuer bass gin?

Bopi *(an der Dir)* Elo grad huet der nach selwer gesoot ech wär den Herrgott selwer, an dee weess jo alles.

Gréit Wuer wëlls du goen Bopi?

Bopi An den Himmel bei meng Engelen *(of)*

Péiter *(no enger Paus)* Himmeldonnerwieder nachemol ! Daat war elo baal schief gangen. Sin déi zwéin nach dobannen? Woufir hun ech dann eigentlech de Bopi kaaff?

Gréit Huet e wéinstens sein Testament scho geschriewen?

Péiter Daat huet en, alles waat en huet gehéiert eis.

Gréit Do geseis de. Waat jéimers de dann nach? Wann mir de Bopi nët kaaff hätten, dann hätten de Fritz an t'Eivchen alles geirwt. Elo gehéieren de zwéin Heiser eis.

Péiter Du hues recht. Dorunner hat ech nët geduecht.

Gréit Elo brauche mer nëmmen opzepassen, dass deen Alen ëmmer op eiser Seit steet. Et ass zwar nët liicht, zu allem waat deen aalen Flautert seet jo an Amen ze soen. Munchmol geng ech him gären an t'Gesicht sprangen.

Péiter Em Gotteswëllen, nemmen daat nët. Alles muss esou gemaach gin, wéi hien et wëllt. Déi puer Joer, déi hien nach ze liewen huet gin nach eriwier an dann schwammen mir am Geld, wéi mir eist ganzt Liewen nach nët dra geschwomme sin – zwee Heiser, mei Gott, dann sin mir Proprietär.

6.Optrëtt

Vireg, Ketty dann Bopi an Eivchen

Ketty *(mat engem Bréif eran)* De Bréifdréier huet mir elo éinescht e Bréif durch t'Fenster gereecht.

Péiter *(hëllt de Bréif)* Pleck e puer Blumen am Gaard a stell dem Bopi se op den Nuetsdësch.

Ketty Virwaat muss ech daat da grad maachen? Huet deen aale Klautschen vleicht haut Geburtsdag?

Péiter Bei eis huet de Grousspapp all Dag Geburtsdag. Elo weess du Bescheid. Du kanns dech durno richten.

Ketty *(grommelt)* An dësem Haus gin ech nët aal. Daat ass secher.*(of)*.

Péiter *(huet de Bréif opgemaach flitt eng Kéier lwer den Inhalt, déi Hand déi de Bréif hält fällt no ennen, hie sturkt fassunglos richt aus)*

Gréit *(kennt besuergt méi no)* Waat ass da Bauer? Waat hues de.

Péiter *(ouni Toun)* De Bopi huet guer keng Heiser *(E fällt schwéier op t'Bänk)*.

Gréit *(hält den Otem un a greift sech un t'Herz)* Waat sees de?

Péiter Neischt huet en, glaad neischt.

Gréit *(fällt op de Stull beim Dësch)* Ass daat nach dran – mir bleiwt den Otem ewech.

Péiter Daat wär nach nët daat schlemmt *(gëtt hier de Bréif)* Do lies waat dem Pauly seng Fraa schreiwt.

Gréit *(liest)* „Lieber Schlaubauer ! Mein Mann kann nicht schreiben, weil einer ihm auf die Patten getrëppelt hat wie er aus der Wirtschaft heimkam. Deshalb schreibe ich um dir zu sagen, was dir mein Mann sagen will. Er gratuliert dir ze deinem Opa, den du für hundertausend € gekauft hast, aber Häuser hat er nicht. Nicht einmal ein Schiedhaischen. Das von den Häusern hat dir mein Mann bloss vorgelogen weil du uns auch beépgen hast. Denn dass du alles tun wirst um dem Alten die Häuser abzulausen, das hat er gewusst. Aber dass du ein so elender Dëskopf bist und den Opa gleich kaufst, das hat er nicht gewusst. So, und das ist unser Dank für die ausgeleierte Bitzmaschine die du uns voriges Jahr für neu angledreht hast, du elender Schuft. Hochachtungsvoll. Anna Pauly.“ Elo sëtze mir awer schéin an der Patsch.

Péiter An t'Adress, déi muss de och nach liesen

Gréit *(liest vum Enschlag)* An Herrn Peter Schlaubauer, Grossvaterbesitzer in Knapphouschend.

Péiter Waat sees de dann elo?

Gréit Ech – ech – kréie keng Loft méi.

Péiter Waat maache mir elo?

- Gréit Daat muss du wëssen du bass jo e Mann. Waat soen ech? E Mann ? En Schlappschwanz bass de wéi ech nach keen mein Liewdag gesinn hun. Léist den sech jo nët fir honnerttausend Euro e Grousspapp opschwetzen, wou en së fir e puer Cent eng hallef Dozen kéint kréien.
- Péiter Wann ech daat gewosst hätt. Gréit göff mir séier e Schnaps, mir gött et schlecht.
- Gréit *(schëtt de Schnaps aus der Flesch an e Glas mat enger Handbewegung)* Am léiwsten geng ech dir eng erofflätschen! Schleews du mir do nët fir Honnerttausend Euro e Grousspapp aus dem Minëtt erop. Een aaneren geng 200.000 Euro derfir gin wann en esou engem Onkraut lass wir. *(Drenkt de Schnaps an engem Zoch selwer a schenkt en neit Glass aus a stellt daat Glas virun de Péiter)* Mee deen Ale wärt nach eppes fu mir gehouscht kréien.
- Péiter *(greift nom Glas).*
- Bopi *(eran vun lenks, hëllt dem Schlaubauer t' Glas aus dem Grapp)* Prost Schlaubauer, du solls liewen *(Kipp t' Glas erof, knallt et op den Dësch)* Nach een! Fir mer et ofzegewinnen.
- Gréit *(reisst him t' Glas aus dem Grapp an och t' Flesch, schött sech selwer nach e Glas eraus a stellt béides op Seit)* Wanns de Schnaps drenke wëlls da kaaff dir en selwer. Mir drenken eisen eleng.
- Bopi *(streckt den Hals a kuckt verwonnert)* Wéi? Schlaubauer, hues de gehéiert, waat deng besser Halschecht gepespert huet?
- Péiter *(huet de Bréif séier an t' Tesch gestach)* Jo ech hun et héieren, an fu mir kanns de et nach eng Kéier an nach méi héieren. *(leeft an der Stuff hin an hier)*
- Bopi *(kuckt erstaunt vun engem op den aneren)* Mir chengt et t'Glëck vun erem Meedchen ass iech an T'Schiebel geschloe.
- Gréit *(fun dem plëtzlechen Gedanken un déi zwee gepackt)* Em Gotteswëllen eist E'iv. *(reisst t' Dir op)* E'iv, op der Platz eraus do! An e bësschen dalli – soss huelen ech dech mam Weckel.
- E'iv a Fritz *(vun lenks)*
Waat ass dann nëmmen lass?

Péiter Ech huelen mein Wuert zereck. Déi Saach mat dem Fritz ass aus. Fir esou e verschëlltenen Bauernknecht ass mir mein Meedchen ze schued – a mein Geld och.

Fritz *(ganz durcheneen)* Bopi - !

Bopi Keng Angscht, Fritz, ech sin jo nach do.

Gréit Awer nët méi laang, daat soll dir gesot sin.

Bopi Haal de Mond, du bass nët gefrot gin.

Gréit Du wëlls mir de Mond verbidden? Wie bass de dann ? Eng grouss Null aus dem Minëtt bass duu an duu wëlls hei den Här markéieren.

Bopi Dee brauch ech nët ze spillen. Ech sin hei den Här an daat wärt ech dir elo gleich beweisen. *(zum Péiter)* Also du wëlls dem Fritz sein Eivchen nët gin? – Gudd, dann brengen ech all deng Sënnen firun t'Gericht – déi moer an déi fett.

Péiter Mengetwegen, mee dann ass dem Knubbelbauer sein Haus meint. Ech kënnegen t'Hypothék déi ech op sein Haf hun an dann leit dir all op der Strooss.

Fritz Du hues eng Hypothék op eisem Haus? Daat wosst ech emol nët.

Péiter *(hëllt e Popeier aus dem Tirang)* Jo, hun ech esou guer bei der Bank kaaff. *(hëllt dem Fritz den Ziedel dohinner)* Hei kanns du et schrëftlech liesen. *(Weißt dem Bopi de Poapeier)* An du och – an elo' géi mengetwegen op t'Gericht.

Bopi *(bestürzt)* Daat, daat haat ech allerdengs nët gewosst. Du hues ----- elo fällt den Himmel an.

Gréit *(oniwerluecht a spëttesch)* Wann eis zwee Heiser afaalen dann ass et fir dein Himmel och nët ze schued.

Bopi *(kuckt se grouss un, no enger Paus gedreckt)* Aa esou. Elo weess ech Bescheed *(zum Fritz)* Elo ass et aus mat dem schéinen Naarrestreech. De Schlaubauer haat mir an t'Karte gekuckt. Ech hun falsch ausgespillt -----

Péiter An ech hun getrompt.

Bopi *(léisst sech an t'Fautel faalen)* Déi Kéier hun ech verspillt.

7. Optrëtt

Déi Vireg – an t'Ketty

- Ketty (eran mat e puer lasse Blumen) Hei sin t'Blumen fir deen aale Plogeescht.
- Gréit (reisst dem Ketty t'Blummen aus der Hand a geheit se an den Eck) Fort domadden. Fir esou een Onheelstefter wuessen keng Blumen.
- Ketty (iwerrascht verfollegt déi folgend Szen).
- Bopi (léisst de Kapp henken a steipt en an béid Hänn).
- Eivchen (geet op en dur) Bopi, feelt dir eppes?
- Péiter (reisst t'Eivchen vum Bopi ewech) Weg do, a vive an dein Schlofzëmmer. A kee Foussbreet firun t'Dir (weiß op de Fritz) bis deen do sech aus dem Stëps gemaach huet (dreckt et zur Dir aus lenks).
- Gréit (zum Fritz) An du och, maach dech op dein Töff a vive dohinner wous de hirkomm bass.
- Fritz Bopi, waat huet daat dann elo erem alles ze bedeiten?
- Bopi Fritz, ech wollt dir hëllef. Nëmme des Kéier ass de Rettungswôn selwer widder e Baam gerannt. Elo muss du selwer kucken, dass de bei dein E'iv kënnst.
- Fritz (reisst sech zesummen) Mecht neischt! Ech kréien et an wann drei Schlaubauerer neen soen (fort riets).
- Gréit (zitt dem Bopi Polster aus dem Reck a geheit et dem Ketty dohinner) t'Kessen kënnst an t'Wäsch. A gudd auskachen, fir daat den Armeleitsgeroch erausgeet.
- Péiter (zum Bopi) A vun haut un schléifst du op der Benk an der Kummer beim Kniecht. Du kannst alt deng zwee Schmuddeldicher zesummenpaacken fir ze plënneren.
- Bopi (lues) Muss ech op der Benk schloofen (schein) Do leit et sech awer haart -----
- Péiter Daat mecht neischt. An der Lued leisst du och nët méi mëll.
- Gréit Dann hues de dech awer wéinstens schon un t'Holz gewinnt.
- Péiter A mar de mueren, wa mer op dem Feld sin, da mëchs du t'Ställ. En onnëtzten Éisser kënnen mer nët gebrauchen.
- Gréit (zum Péiter) Ech gin emol séier de Schlëssel am E'iv sengem Zëmmer emdréien (fort lenks).
- Péiter An ech hëllef dem Fritz op den Töff.

Ketty *(bedauert de Bopi)* Bopi, waat hues de nëmmen ugericht, dass déi Leit esou schlecht mat dir sin?

Bopi *(bleckt op)* Ketty *(mat middem Laachen)* Daat hätt ech nët geduecht, dass deng Stëmm esou léiw kéint sin. Waat ech gestiecht hun, frees du mech. Ech wollt zwee Leit frou maachen an Glëcklech, an engem Lomp Handwierk leeën, esou eppes muss dach bestroft gin. Ketty Ech wëll dir emol eppes soen, Bopi. Du schléifs an menger Kummer an ech schlofen an der Kichen.

Bopi Neen, daat lössen ech nët zou. De Schlaubauer wär och nët d'accord domadden.

Ketty Wees de Bopi, wéi ech dech hei um Haf gesin hun do wär ech am allerléiwsten erëm fortgelaaf. Well ech awer gesin, wéi si mat dir emsprangen, bleiwen ech hei. Ech mengen du hues e Schutzengel néideg.

Bopi An du wëlls déi Charge iwerhuelen?

Ketty Jo, de Knubbelbauer huet mir gesôt hien hätt dech an de Kascht gin.

Bopi Sou, sou. Hien huet also gemengt ech hätt et beim Schlaubauer besser. Nemmen mir kann hei keen hëllefen. Ech mengen bei Leit wei, déi hei, muss du geschwënn selwer e Schutzengel brauchen -----

Ketty Sief nët traureg. Et geet schon erem alles an t'Rei.

Bopi Elo nët méi, Ketty, elo nët méi -----
(senkt de Kapp, mecht t'Aan zou)

Ketty *(kuckt e matleedeg un, sammelt t'Blummen a leed him se an de Schouss a geet op den Zéiwespetzen zur Dir aus).*

8. Optrëtt

Bopi, Péiter dann Gréit

Péiter *(kennt no enger kurzer Paus zur rietser Dir eran, ressellt de Bopi)* Hee du, geschlof gëttt bei eis an der Nuecht. Huel deng Siewesaachen a verdreck dech an dem Kniecht seng Kummer, dass ech dech haut nët méi gesin.

Bopi *(huet t'Aan opgemaach, kuckt t'Blummen an sengem Schouss schmunzelt. Hien hëllt t'Blummen a geet midd a lues zur rietser Dir aus).*

Gréit *(riets eran)*

Péiter Hues du t'Eivchen agespaart?

Gréit Jo, zweemol hun ech de Schlëssel emgedréint an och erofgeholl. *(weist de Schlëssel deen sie an der Schietechtesch haat)* A wéi ass et mam Fritz?

Péiter Deen ass scho laang verschwonnen. Ech hun en emol nët méi gesin. T'E'iv bleiwt mer agespaart. Et huet mer de Sonndeg versaltzt an durfir soll hat seng Strof och kréien.

Gréit A wat geschitt mam Grousspapp?

Péiter Jo, waat geschitt mat him? Laaf iwer an t'Wirtschaft, do setzt den Knubbelbauer nach ze waarden. So him hie soll heihinner kommen. Ech hätt eppes mat him ze bespriechen.

Gréit Mengs du hien geng den Alen eremhuelen?

Péiter Secher. A bezuelen soll e mer och nach dofir. Hie muss. Mee kee Wuert doriwer verluer, waat eis dem Pauly seng Fraa geschriewen huet. Soss gesin mir eis 100.000 Euro nie méi ërëm.

Gréit Neen, neen. Kee Pippeschewuert soen ech doriwer. Mann, wanns du daat färdeg bringst, dann héiers du nie méi ee schlecht Wuert fu mir.

Péiter *(dreckt t'Gréit riets zur Dir eraus)* Schwetz nët esou vill a laaf ir et ze spéit ass. Elo muss ech de Bopi nach aspären. Sou, een ass emol k.o. *(Weist op dem Bopi seng Seit)* deen zweete kennt elo no!

9.Optrëtt

Péiter- Ketty

Ketty *(kennt zu Mëtt eran)*

Péiter Waat wëlls du da schon erem?

Ketty Ech hätt gär gewosst firwaat de Fritz esou séier erem fortgefuer ass.

Péiter Daat geet dech en aalen Dreck un, nemmen wanns de et onbedengt wësse wëlls. Erausgeheit hun ech en, well hien hanner eisem E'iv hirwar. A well en sech hei

als Kniecht ausgin huet, an a Wirklechkeet dem Knubbelbauer sei Bouf ass.

Ketty *(laacht)* Daat hat e fein gemaach, ass et nët wouer?

Péiter E Schwindeler ass et, esou en onverschimte Kärel.

Ketty Daat ass nët wouer. De Fritz ass en anständige Kärel.

Péiter Wouhir wëlls du daat do wëssen?

Ketty Daat soll ech nët wëssen, wou ech dach drei Joer bei sengem Papp am Dingscht war. Ech sin dach vum Knubbelbauer heihinner komm.

Péiter *(jeitzt)* Kënns vun Knubbelbauer? Do hun ech jo e gudde Fank gemaach. E ganzt Nascht hun ech mir op t'Broscht gezun. Alles waat fum Knubbelbauer könnt daat daacht neischt.

Ketty Oho, waat fällt dir an! *(Zitt seng Pobeieren eraus)* Hei lies meng Pobeieren a wanns de dann nach eng Kéier sees ech geng neischt daachen, da kanns de der flott en aanert sichen.

Péiter *(iwerflitt t'Pobeieren, sei Bleck stockt a riicht sech op t'Ketty)* Wéi heechs du? Ketty Meyer?

Ketty Et wärt schon esou sin, wann et esou do steet.

Péiter *(rësselt de Kapp)* Komesch, mei Kniecht heecht och Meyer.

Ketty T'ass nët méiglech.

Péiter Jo, Gust Meyer.

Ketty *(jeitzt iwerrascht)* Gust Meyer? Sou e gouregen, blonden Zertriwelten mat Kaaftzenaan?

Péiter Daat stemmt.

Ketty Daat ass mein Brudder.

Péiter *(ronzelt Stier)* Dein Brudder?

Ketty Baal zwee Joer hun ech hien nët méi gesin. Ass dee bei dir Kniecht?

Péiter So emol, hues du nach eng Schwëster?

Ketty Neen – Ass daat nach dran, mein Brudder Gust ass Kniecht bei dir! Wou ass en dann?

Péiter Op deng Hochzeit.

Ketty Waat?

Péiter Hien huet bis mar Urlaub. Hie wollt op de Breitchemann oppassen, dass deen nët soll entwëschen.

Ketty Ech hun keng Hochzeit an emol kee Freier.

Péiter *(donnert lass)* Waat? Dann huet deen Hond mech

- belunn, den Spetzbouf. Da leeft e bestëmmt erem hanner engem Schieteg hir, daat en nët erwëscht.
- Ketty lurger dech nët. Schlaubauer. Du kanns dengem Numm dach keng Eier maachen an deng Gaall wär geschwenn färdeg mat dir.
- Péiter Dee kann der eppes erliewen, wann en erëm kennt.
- Ketty Du wärs och alt nët ëmmer am Katechismus gelies hun, wéiss du jonk wars (*riets of*).
- Péiter Waat ass daat eng Welt. (*firt sech mat der gespreztener Hand durch t'Hoer*) Ech hun neischt anescht wéi Halunken em mech. (*et héiert een dass ee Mensch kennt*).

10.Optrëtt

Péiter an Hannes

- Hannes (*durch t'Mëtt*) Deng Fra huet mech heihinner bestallt. Hues de der t'Saach iwerluecht?
- Péiter Jo, et huet mech gekränk, dass du vun mir der Meenung bass ech hätt dir de Bopi wéint enger Irwschaft ofkaaff. Daat wëll ech nët op mir setze lossen. Ech haat deen Aalen nemm kaaff, fir dass meng Fra e bessen Distraktioun hätt. An fir dass erem Liewen an t'Bud soll kommen, well ech nët ëmmer doheem sin. Nemmen elo hues de mir t'Freed geholl. Paak en an, an huel en erem mat. De Schlaubauer ass keng Erbschleiche.
- Hannes Daat gefällt mer, Schlaubauer – daat ass schéin fun dir. Ech hun dir also Onrecht gedro'en mat dem Verdacht, esou schengt et mir wéinstens.
- Péiter Daat ass richtig, Knubbelbauer. Daat kenns du mir frei gleewen. Soss geng ech en nët méi hiergin, grad well ech elo weess dass eppes bei him ze irwen ass.
- Hannes Dann hätt ech jo guer keng Angscht brauchen ze hun, dass de mir de Fritz em seng Irwschaft brengs.
- Péiter Nët eng Sekund.
- Hannes Abbee gudd – da kanns de en och heihaalen. Ech sin nët esou. Du hues de gudde Wëlle gewiesen an daat geet mir duer. Elo weess ech dass ech neischt ze

färten hun fun denger Seit, daat geet mir dur, an durfir wëll ech dir och nët déi Freed ewech huelen. De Bopi bleiwt hei.

Péiter *(durcheneen)* Neen, neen, daat kann ech nët unhuelen. Op kee Fall. Haut schwätz du esou maar aneschter. Huel en erem mat, fir dass ech roueg schlofe kann.

Hannes Schlaubauer, ech gesin dass et dir éierlech a gudd gemengt ass, an dass du nët esou schlecht bass wéi ech dech gehaalen hun. Wann dir also neischt méi un him leit --- Waat soll en da kaschten?

Péiter Ma wéis de gesôt hues 100.000 Euro an 1000 Euro extra fir den Zirkus, de Kascht an t'Schlôfen an all dee Krôm deen hien futti gemaach huet. Ech wëll awer och neischt bei der Geschicht beileeën.

Hannes Futti gemaach? Waat huet hien da futti gemaach?

Péiter Méi wéi genug. Du kenns e jo. Gleich den éischen Daag huet den Hunn missen dru gleewen. *(Am Haff héiert een en Hunn jeitzen)*.

Hannes Ah sou, daat war wuel deng Fraa déi elo gekréit huet?

Péiter Eeh...daat war dem Noper sein Hunn. Deen tréischt meng Hinger alt esou laang bis ech mer en neien Hunn uschaafen.

Hannes *(leet 101.000 Euro op den Dësch)* Déi Dausend Euro déi din mir awer deck, Schlaubauer.

Péiter *(stecht t'Souen an t'Tesch)* Daat muss du mat dengem Bopi ausmaachen. *(streckt dem Hanes t'Hand dohinner)* Also ass elo alles an der Rei, Knubbelbauer.

Hannes *(schléit an)* Ofgemaach. *(kuckt op seng Täschenauer)* Do elo ass mein Zug scho fort. De Bopi kann ech jo esou laang heilossen. Ech hun nach e Patt Béier an der Wirtschaft stoen, deen wëll ech nach ausdrenken.

Péiter *(dirigéiert en bei t'Dir)* Looss der en gudd schmaachen. An du hëlls jo de Bopi herno nach ewech.

Hannes Also neischt fir ongudd, Schlaubauer.

Péiter Neen, neen, mir bleiwen déi Aal.

Hannes *(of. De Péiter laacht sech baal kromm)*

Péiter Sou mei Jong, elo hues du de Bopi erem an ech meng Souen.

11. Optrëtt

Péiter- Gréit dann de Bopi

- Gréit *(kënnt era geschoss)* Hues den en erëm verkaaft?
Péiter Jo, fir 90.000 Euro. Ech hu missen 10.000 Euro erof goen, well ech en drei Deeg gebraucht haat.
- Gréit Daat mecht neischt. Léiwer 10.000 € ze wéineg wéi ee Bopi zevill. Heihinner mat de Souen *(hëllt se an deet se ewech)*.
- Péiter Mee wann ech de Pauly kréien, dann plecken ech mer deen, dass t'Hoer em zu Bierg stinn.
- Bopi *(poltert un der Dir a jeitzt)* Donnerwieder, wëllt dir wuel direkt opspären. Opmaachen soen ech. Soss schloen ech alles kurz a kleng *(weider Koméidi)*.
- Gréit *(erstaunt)* Mir schengt et, deen Àlen ass iwer geschnappt.
- Péiter *(geet no riets)* Waat fällt deem eigentlech an? Deen hun ech elo geschwënn kuréiert. *(spärt t'Dir op)*
- Bopi *(richt a rosen eran)* Ween fun iech zwéin Klatzkepp huet dann meng Dir zou gespaart? – Héier der, eng Aentwert wëll ech hun.
- Péiter an Gréit *(stin sprachlos)*
- Bopi Dajee, ass et dann nach fir haut? Maacht t'Maul dach op.
- Gréit *(fir t'éischt)* Mee et schengt mir ...
- Bopi Waat schengt dir? Mir schengt dir spärt de Gendarm a Plaatz t'Reiber an.
- Péiter Wéi ennerstees du dech dann mat eis ze Schwetzen? Eraus mar dir!
- Bopi Haal de Mond!
- Gréit Huet een schon jee esou eppes gesin! Aus Gottesbarmhärzegkeet hun mer daat Stëck Miwwel bei eis geholl -----
- Bopi Aus Gottesbarmherzegkeet nenn dir daat? Ass daat dann och Barmherzegkeet, wanns du dem Knubbelbauer 100.000 Euro fir mech gëss an der Hoffnung domadden zwee Heiser am Saak ze hun.
- Péiter Schwetz kee Blech. Ech weess dach dass du neischt hues.

Bopi Elo weess du daat. Mee wéiss du mech kaaff hues, hues du gemengt e fetten Handel mat mir ze maachen.

Péiter Daat muss du mir nach beweisen.

Bopi Déi Freed kann ech dir maachen (*hëllt e Bréif aus der Tesch an hält dem Péiter en ënner t’Nues*) Kenns de dëse Bréif?

Péiter (*zuckt zesummen*) Wéi kenns du en dee Bréif?

Bopi Deen hues du virun dem Knubbelbauer senger Dir verluer, wéis du t’Nueschschnappesch erausgezun hues, an ech hun en opgehewen a versuergt. Mengs du da vleicht ech hätt et gewoot fir mech aalen Mann 100.000 Euro ze fuerderen, wann ech dee Bréif nët gelies hätt. Dodran huet dir dem Pauly vun zwee Heiser eng Flo’ an t’Ouer gesaat.

Péiter (*mat dommem Gesicht*) – Ah sou dohier stenken t’Lompen.

Gréit Wou kenns du Drach dann nëmnen dee Bréif verléieren! Et soll een dech beetschen.

Bopi Elo weess de firwaat de Preis fir t’Bopi’en esou bei mir an t’Lucht gangen ass. An elo weess du och firwaat ech mech gefreet hun fir heihinner ze kommen: fir iech zwee Spëtzbouwen t’Liewen méiglecht sauer ze maachen. De Bopi ass gewëtz, daat kanns de dir frei op t’Stir schreiwen. Schued, dass de Spass nëmnen e puer Deeg gedauert huet. Ech hätt iech en nach drei Joer vergonnt.

Péiter Jo, et ass Schued, dass de Spass eriwier ass, soss häss du nach mein Dank fir deng Nidderträchtigkeit kenne geléiert.

Bopi Mengetwegen. An elo eraus domadden. Du hues jo 100.000 Euro fir mech bezuelt. Ech gehéieren dir. Just 100.000 Euro huet nämlech de Knubbelbauer gebraucht vir sein Haff. Elo huet en se an alles aneres ass mir eendun.

Gréit (*mat Freed*) Neischt huet en, guer neischt, kee Sou.

Péiter Den Knubbalbauer huet dech erëmkaaff.

Bopi (*scheinbar getraff*) Huet de Knubbelbauer mech erëmkaaff?

Péiter Virun e puer Minuten.

Bopi Da gehéieren ech jo erem dem Knubbelbauer?

Gréit Wann en direkt kënnt an dech mathëllt da kritt en nach eng Haam dobei.

Bopi (zum Péiter) Huet hin dir wirklech t'Geld eremgin?
Péiter Jo, et leit am Tirang.
Gréit De Knubbelbauer ass grad esou ee Schwachkapp wéi
mein Mann. Hie mengt och zwee Heiser fun dir ze
irwen.

Péiter Aha, waat sees de dann elo?
Bopi (roueg) Groussarteg, wéi de Knubbelbauer daat
gemaach huet, ganz groussarteg. Ech hunn nämlech
zwee Heiser.

Péiter a Gréit (kucken sech verblüfft un)
Waat hues du?
Bopi Zwee schéin Heiser mat Terrain dobei, mat Béischten
an allem waat derzou gehéiert.
Gréit (nët ganz secher) Haha! Vleicht op dem Mond?
Bopi Neen, neen. Ganz fest hei ennem op der wackleger
Erd.

Péiter Deng Ligen stenken zum Himmel (zitt de Bréif fun der
Paulys aus der Tesch) Soll ech der virliesen, waat
t'Paulys mir geschriewen huet?
Bopi Déi Méi kanns du dir spueren. Ech weess waat an
dem Bréif steet.

Gréit A wouhir solls du daat da wëssen?
Bopi Well ech dee Bréif selwer geschriewen hun an nët
dem Pauly seng Fraa.

Péiter a Gréit (perplex)
Bopi Pass gudd op Schlaubauer, elo mirks de eréischt
richteg wouhir t'Lompen stenken.

Péiter (ruckweis) Dee Bréif – ass e vun dir? Jo, mee du wars
jo guer nët virun t'Dir geschweigs nach aus dem Duerf
eraus (weist t'Envelope) An de Bréif ass dach
vun do gestempelt wou t'Paulys wunnen.

Bopi Do hues de Recht. De Gust huet en gëschter
matgeholl an do an T'Bréifkëscht geheit.

Péiter An zu mir huet e gesôt e geng op T'Hochzeit vun
senger Schwëster.

Bopi (laacht) Déi Hochzeit hunn ech erfonnt.
Gréit Elo fänken ech esou lues un Angscht ze kréien firun
dir. Du bass jo nach schlëmmer wéi zeng ausgekachte
Spetzbouwen.

Bopi Waart nach eng véirel Stonn, dann seess de
bestëmmt wéi eng Dosen Spetzbouwen. Wéi ass et
dann elo Schlaubauer? Da brauch ech jo elo

secher nët méi op dem Kniecht senger Benk ze schlôfen? (*zum Gréit*) An mein Këssen kréien ech secher och erëm? Wéi, wuerfir kritt dir dann elo obeemol de Mond nët méi op.? Fonktionnéiert T'Guckucksdir nët méi? Kuckt, op des Stonn hun ech mech gefreet, wéi e Kand op den Nikleeschen.

Péiter (*grommelt*) Spetzbouw!

Bopi Mein léiwen Schlaubauer. Et gëtt zwou Zorten vun Spetzbouwen. Zu der enger Zort gehéiers du, zu deer anerer gehéieren ech. Iwer waat fir eng Zort eiser Herrgott sech am meeschte Freed, daat brauch ech der secher nët ze soen.

12.Optrëtt

De Viirech - Hannes

Hannes (*eran*)

Bopi (*frou*) Bass du do Hannes? Daat ass fein. Da kann et elo lass goen.

Gréit (*jeitzt*) Waat wëlls de dann nach? Hues de nach nët scho genug Neischnotzegkeet un de Mann bruecht?

Bopi Alles mat der Rou an enger gudder Zigar. Du wärs elo gleich mech nach fun enger anerer Seit kenne léieren. Ech bezuelen gär t'Hypothéik erëm déi de Péiter op dem Knubbelbauer sengem Haff huet.

Hannes (*betraff*) Wien huet dir dofunner verzielt Bopi?

Bopi (*weist op den Péiter*) Hien war esou gudd an huet se fun der Bank iwerholl, fir dech ëm dein Haff ze brengen.

Hannes (*geet mat der Fauscht op den Péiter dur*) Du Hond do.

Gréit (*fällt him an den Arm an dreckt en zreck*) Nët upaacken, mein Mann beetschen ech selwer.

Bopi Hannes wifill muss de Schlaubauer fun dir kréien?

Hannes Daat ass nët esou schlemm. Grad esou fill wéi ech fir dech bezuelt hun.

Bopi A waat hues de bezuelt?

Hannes 101.000 Euro huet e fu mir kritt.

Gréit (*op den Hannes duer*) Nemmen 90.000 Euro hues de him gin.

Hannes Ganz genau 101.000 €.

Bopi *(zum Gréit)* Wann en zu dir 90.000 € gesôt huet, dann huet hien der 11.000 an seng Giletstesch gestach – aus Barmherzegheet fir sein eegenen Portmonni. *(zum Péiter)* Also du hues vum Knubbelbauer 101.000 Euro kritt *(fest)* Domadde sin ech nët bezuelt. Hues de mech verstaanen.

Péiter Daat gët et nët.

Gréit Daat ass operluechte Schwindel.

Bopi Wann daat Schwindel ass, dann git roueg op t'Gericht a sicht mech un. Ech sin firwëtzeg, waat sie derzou soen, dass du dech fum Pärdshandel op Bopien emgestallt hues. An ech gin och gleich mat a lossen de Leederwoon mat all denge Sënnen hannendrun fueren – Ass elo t'Hypothéik bezuelt oder nët?

Péiter Jo. *(Zitt t'Popeieren aus der Tesch a reecht dem Bopi se, deen se zerrest an dem Hannes t'Stecker gëtt).*

Bopi Do Hannes, esou liecht huet nach keen eng Hypothéik bezuelt.

Gréit An da vive eraus hei. Hei huet der neischt méi ze sichen.

Bopi Mengs dä? Da bass dä awer aal um Holzwee. Wou ass t'Eivchen?

Gréit Waat wëlls de dann elo mam Eivchen?

Bopi *(mat Nodrock)* Ech ! wëll neischt mat him awer een aneren. Wou t'Eivchen ass, wëll ech wëssen.

Péiter Wou soll et scho sin, an senger Schlofkummer.

Gréit Agespaart hun ech et, dass him den Appetit op deen Leisdeiwel fun engem Fritz vergeet.

Bopi Heihinner mat em! Soss schecken ech der dein Nooper op de Pelz, dee kann dech dann emol froen, wéi dir him seng Bire geschmaacht hunn.

Péiter *(zum Gréit)* Géi an huel et eraus, fir dass mer deem Plogeescht lass gin.

Gréit *(jéimert)* A fir esou e Bopi bezillt daat Rendvéi 100.000 Euro. *(of)*

Bopi A wou ass de Fritz? Wou stecht en?

Péiter Deen hunn ech erausgeheit. Deen ass nët méi hei. *(Hanner der Bühn héiert een t'Gréit opjeitzen, sie kucken allen drei op t'Dir)*

13. Optrëtt

De Viirech – Fritz – Eivchen – Gréit – Ketty – Gust

- Fritz an Eivchen (*kommen mat laachende Gesichter eran*)
Bopi Ganz weit hass de deen awer nët geheit.
Ketty (*kënnt mat dem Gréit, a steipt et*)
Gréit (*jéimert*) Et ass aus. Haut huet der Deiwel eis mam Schlawittchen.
Péiter Waat ass dann elo schon erem lass?
Gréit De Fritz war bein Eivchen am Zëmmer.
Péiter Wéi ass daat da meiglech? (*zum Ketty*) Du hues jo gesoot du häss e gesinn fortgoen.
Ketty Daat hun ech och gesin, awer durch t'Fenster an dem Eivchen seng Kummer.
Bopi (*reecht deenen zwee t'Hänn*) Sou hätt ech et och gemaach Fritz.
Péiter (*an t'Lucht*) Elo gött et awer ze bond (*zum Bopi*) Mengs de vleicht du kënns bis an all Éiwegkeet t'Schëndlouder mat eis spillen? Paak alles an a géi op t'Gericht – klaap alles waats de weess, mir ass et egal. Nemme fir t'éischt maachen ech Urdnung hei (*Schleidert t'Eivchen a Fritz fort*) Ausenaner! Aus deem Bestiednes gött neischt. (*zum Bopi a Fritz*) An dir zwéin aus mengem Haus (*zum Ketty*) An du kanns direkt matgoen a wann de Gust kënnt, flitt deen iech no.
Gust (*eran*) Ass hei Hochzeit, well dir all esou lëschtég sitt?
Gréit (*höhnesch zum Gust*) Do ass e jo, Wéi, ass deng Schwester dann elo glëcklech bestued?
Gust Jo, a wéi! Haut ass si schon mat hirem Mann an t'Staat gefuer fir Kannerwäsch ze kaafen.
Péiter Sou! (*zitt Ketty daat aus de Féiss stung erbei*) A wien ass dann daat hei?
Gust (*mecht e Schrack zreck*) Em Gotteswëllen, ass daat nach dran, da war ech bestëmmt op der verkéierter Hochzeit.
Péiter Mech hues de fir t'Lescht mat dengem Ligen ugeschmiert, du onverschimmte Bréifdréiher. Aus dem Haus mat dir an zwar op der Plaat.
Bopi Nët esou séier Schlaubauer. Mir zwéin sinn nach nët färdeg matenaaner (*geet lues op de Péiter dur*) Duu

wëlls eis hei virun t'Dir setzen? Graad duu? (*stark*)
Wous de frou kanns sin, dass ech dech nët
erausgeheien.

Péiter Duu? – Mech aus mengem Haus?

Bopi Neen – aus m e n g e m Haus. Daat Haus hei gehéiert
mir (*allerguerten erstaunt*).

Gréit (*kreschereg*) Waat kënnt dann haut nach alles iwer
eis?

Péiter Mee daat kann nët méiglech sin. Ech bezuelen dach
t'Pacht all Joer un de Pauly.

Bopi Natiirlech. De Pauly ass mein Verwalter. An
heimadden kënnegen ech dir – ass daat verstaanen?
An drei Deeg wëll ech dech nët méi hei gesin.

Péiter Oho, esou séier schéissen t'Preisen awer nët. Ech
hun e Joer Kënnegung uitgemaacht.

Bopi Do hues de Recht, awer nemmen, wanns du de
Pachtvertrag angengshaalen. Du hues awer Holz
geschloen – deen duebele Quantum, wéi dir all Joer
durch Vertrag zousteet. An doofir kann ech dech virun
t'Dir setzen, wann ech wëll. An dobei hues du nach –
zeg Fouerten verkaaff géint all Bestëmmungen am
Pachtvertrag, kuck daat ass alt erem eng Ursaach fir
der de Pachtvetrag fristlos ze kënnegen. Liicht daat dir
an?

Péiter (*Kapituléiert*) Majo – da gin mer eben. Ech wär jo
souwisou gangen. Gottseidank ass elo endlech daat
neit Haus bei der Schoul ze kaafen.

Bopi Jo awer nët fir dech.

Péiter Dorunner kanns du mech nët hënneren.

Bopi Scho geschitt, Schlaubauer, scho geschitt.

Péiter (*spëttesch*) Waats du nët alles kanns.

Bopi Daat Haus bei der Schoul daat ass meint schon. Et
ass mein zweet Haus.

Péiter Lo gin ech et op (*fällt op de Stull*) Fun dir kann der
Deiwel nach eppes léieren.

Bopi Der Deiwel nët, méi esou Leit wéis du.

Hannes Bopi, ech weess nët waat ech soe soll. Firwaat hues
du mir déi zwee Heiser all déi Joeren verheemlecht?

Bopi Well ech wollt dass du dein Haff mat dengen eegenen
Hänn erem an t'Lucht solls kréien, an nët mat mengen
zwee Heiser.

Gréit (*kreicht an t'Schietech*) Waat fänken mir arm Leit dann
elo nemmen un?

Bopi Jéimert nët. Dir sitt nët esou arm, dass dir mar nët wéisst wou dir schlofe sollt.

Eivchen *(ass lues bei de Bopi gangen)* Bopi, ech bieden dech, sief nët esou haart mat mengen Elteren.

Bopi *(heemelt hat)* Neen, neen, Eivchen. Ech hun gedonnert a geblëtzt – elo lossen ech t'Sonn erem schengen – Schlaubauer ech froen dech elo fir t'Lescht, waat hälls du vum Fritz a vum E'iv? Hues de nach ëmmer eppes dergéint?

Péiter Neen. Mengetweegen soll hien et huelen. Wann ech neen soen, hëllt en et dach.

Bopi Geseis du daat endlech an! Daat mecht mer Freed *(méi douce)* Mee lauschter, wéins dem Haus do bei der Schoul, do kanns de jo emol mam Hausmeeschter schwetzen.

Péiter Mat dir?

Bopi Neen, mam Fritz. Déi zwee Heiser sin fun haut un seng. Ech hun mech laang genug domadden eremgebalegt.

Fritz *(sprachlos)* Bopi – dofir sin, dofir sin ech ... do kann ech neischt méi soen. Do kann ech nëmmen -----
- *(dréint sech zum Eivchen ëm)* – Waat kann ech dann do *(ermärbelt de Bopi)*

Bopi *(dreckt en zreck)* Wann t'Eivchen daat elo geng maachen, da geng ech jo nët neen soen.

Eivchen *(sprengt op de Bopi dur a kësst en)*

Fritz *(baal erschreckt)* Elo hun ech jo drei Häff.

Bopi Neen, mat engem oder zwéin hues du Arbecht genug. Den Hannes bleiwt op sengem Haff. Hien ass nach ze jonk fir opzemaal. Hien brengt den Haff erem an t'Lucht, an ech kucken him dobei no.

Hannes Da kenns du jo erem mat mir, Bopi?

Bopi Ma secher. An de Gust huele mer och mat. *(zum Gust)* Nemmen daat eent soen ech der: Alles darfs de der fir dein Loun kaaffen nemmen keen Notizbuch.

Gust *(versteet nët)* Wéi ??????

Ketty An ech?

Bopi Du gees och mat eis. Dech kann ech op kee Fall vermessen. Soss hun ech jo keen fir rosen ze maachen.

Gust *(steet nodenklech op der Seit)* Firwaat da grad keen Notizbuch?

Péiter *(zum Fritz)* A wéi ass et mat deem zweeten Haff, Fritz? Verkeefs de mir deen?

Fritz Schwéierpapp, ech mengen daat Geschäft maachen ech. De Bopi huet recht. Op zwou Geien kann een nët gleichzeiteg spillen.

Gust *(fir sech, awer hart genug dass de Bopi et héiert)*
Firwaat da grad keen Notizbuch?

Bopi *(dreckt him Notizbuch an de Grapp)* Duerfir nët, wanns du et onbedengt muss wëssen.

Gust *(steet verblüfft)*

Gréit Ech schumme mech esou. Gëtt et daat da wirklech nach op der Welt, dass déi Hand déi elo grad esou ureg drageschloen huet elo op emol erem heemele kann?

Bopi Jo, weess de, ech wëll nët dass mir méi Frechheeten an t'Kondel nogeheit gin wéi Schëppe Buedem. Et wär och ganz gudd Schlaubauer, wanns de emol e wéineg doriwer gengs nodenken.

Péiter Jo Bopi, daat maachen ech. Daat eent Verspriechechen ech der haut schon: A mengem ganzen Liewen kaafen ech kee Grousspapp méi.

Bopi Sou een wéi mech wärs de wuel och an dengem ganze Liewen nët méi kréien.

R i d e a u